



FE DI HESUS



LOKE BEIBEL TA SIÑA ASERKA DI

## DIOS

### DIOS

1. Kuantu Dios tin? (Efesionan 4.: 6)
2. Kua ta e naturalesa di Dios? (S. Huan 4:24)
3. Kualnan ta e tres personanan di e Trinidad? (2 Korintionan 13: 13)
4. Kon e karáktér di Dios ta? (1 Huan 4:8)

### DIOS Y HENDE

5. Kon Dios ta konsiderá nos? (1 Huan 3: 1,2)
6. Dios ta preokupá pa nos problemanan? (Salmo 40:1-3)

### K I K O M I T I N D I H A S I ?

1. Respetá e nòmber di Dios (Exodo 20:7)
2. Obedesé Dios (Echunan 5: 29)
3. Pone Dios na promé lugá (S. Mateo 6: 33)
4. Stima Dios di henter bo kurason (S. Mateo 22: 37)

### MI RESOLUSHON:

Mi ta kere den Dios Tata, e Yu i e Spiritu Santu. Mi ta primintí di stim'E i obedes'E komo mi Tata selestial.

Kalifikashon:

Instruktor:

Mi ta Aseptá

1

LES

- Nos ta kere den un solo Dios (1 Kor. 8:8) Manifestá den tres persona (S. Mateo 28:19)
- Kreador di Universo (Génesis 1:1, Isaías 45:18, Hebreo 1:10)
- Kon Dios ta? E ta inmortal (1 Tim. 6:16) E ta Spiritu (S. Huan 4:24) E ta etèrno (Isaías 57:15) E ta amor (S. Juan 4:8)
- Kon Dios ta wòrdu revelá? Den naturalesa (Salmo 19:1) Den Beibel (Rev. 1: 1) Den Señor Hesus (Juan 14:6)
- Dios ta nos Tata. E ta preokupá pa nos problemanan (Salmo 46: 1) E ta soportá nos ku miserikòrdia (Yeremias 31:3) E ta konsolá nos den dolo (2 Kor. 1 :3) E ta supli tur loke nos falta (Filipensenan 4:19)
- Nos aktitut pa ku Dios. Nos mester konfia den Dje (Salmo 52:8). Warda su mandamentunan (Ekles. 12:13) Si nos obedes'E semper lo bai nos bon (Romanonan 8:28)

## NESESIDAT DI DIOS

E desgrasianan i sufrimentu di humanidat ta resultado di su alehamento di Dios. Profeta Yeremias ta papia di kon teribel e eror ei ta: "Pasobra dos kos malu mi pueblo a hasi; nan a laga mi fuente di awa bibu, i nan a koba renbaknan, renbaknan kibrá ku no ta retené awa." (Yeremias 2: 13). E úniko solushon ta di bolbe bèk na Dios. Dr. Andrew Conway Ivy, profesor famá di e Universidat di Illinois, a bisa; "Kere den Dios ta proporsioná e úniko, esun mas kompleto, esensial i rasional signifikado di eksistensia". E filósofo Will Durant ta agregá; "E gran problema di nos dianan, no ta komunismo kontra individualismo, ni Europa kontra Amerika, ni aun oriente kontra oksidente; nos problema ta si hende por biba sin Dios." E kos maravioso ta, ku apénas nos dal un stap pa bai serka Dios, nos lo hañ'E sperando nos ku amor i miserikòrdia. (Efesonan 2:4,5)

## E EKSISTENSIA DI DIOS

Algun ta bisa: "Mi no ta kere den Dios, pasobra mi no ta mir'E." Pero tin hopi kos den kual nos ta kere sin ku nos a mira nan; por ehèmpel: elektrisidat, bientu, amor. Otronan ta bisa: "Mi no ta kere pasobra mi no ta komprondé Dios." Un sabio inkredulo tabata kana kantu di laman pensando di ki manera e por komprondé Dios. Diripiente el a mira un mucha chikí ta saka awa for di un buraku ku un kokolishi i tabata basha esaki den un otro buraku. "Kiko bo ta hasiendo, yu chikí?" e hòmber a puntra. "Mi kier basha e laman den e buraku aki" e mucha a bisa. "Ah" - e hòmber sabí a bisa - "ta loke mi ta purba na hasi. Dilanti di e oséano di e infinito, mi kier basha tur kos den mi mente finito." Kennan no ta kere den Dios? "E bobo ta bisa den su kurason: No tin Dios" (Salmo 14: 1). Kiko e hòmbernan di siensia ta bisa aserka di Dios? Sir Isaac Newton, e famoso deskubridor di e lei di gravedat universal, a deklará: "E órden atmirabel di e solo, di e planetanan, di e kometanan, no por a prosedé sino un plan i segun e orientashon di un ser onnisiente i omnipotente. Di ei anto ku ta wòrdu bisá ku Dios en berdat ta un Dios divino, sabí i omnipotente, un ser ku ta riba tur kos i ku ta infinitamente sabí."

## KONFIANSIA DEN DIOS

Dr. Wernher von Braun, inventor di e kohetenan interplanetario, a bisa: "Nos nesesidat di Dios no ta basá solamente riba atmirashon i temor. Hende mester di fe meskos ku e tin mester di alimento, awa i aire." Den Beibel nos por haña promesanan maravioso si nos konfia Dios. "I nos sabí, ku tur kos ta traha huntu na bon éksito pa esnan, ku ta stima Dios, esta, esnan ku ta yamá segun su propósito" (Romanonan 8:28).

Kiko nos lo bisa di e kosnan aki anto? Si Dios ta pa nos, ken lo ta kontra nos?" (Romanonan 8:31). "Ma mi Dios lo kumpli tur boso deseonan, segun Su rikesa, den gloria, den Kristo-Hesus" (Filipensenan 4:19). Kiko nos mester hasi pa Dios ta ku nos i protehé nos? --Anhelá Dios di tur kurason (Salmo 42:1). Obedesé Dios i warda su mandamentunan (Eklesiastes 12:13). Pone Dios riba tur kos (S. Mateo 6:33). Stim'E di henter bo kurason (S. Mateo 22:37). Felix de Nola, kristian deboto, tabata hui den e montañanan persigui dor di su enemigunan. El a yega na un kueba i a buska refugio den dje. Un araña a traha su kas den porta di kueba serando asina e entrada. E persiguidor nan mirando e kas di araña a pasa bai. Anto Felix a bisa: "Unda Dios ta, e kas di araña ta un muraya; unda E no ta, e muraya no ta nada mas ku un kas di araña."





E BEIBEL SANTU



2

# REVELA PA DIOS

1. Ken a revelá e Skritura Santu? (2 Timoteo 3: 16)
2. Kennan ta esnan ku a risibí e revelashon? (Hebreonan 1:1)

## FUENTE DI ORIENTASHON I SOLUSHONNAN

3. Ku kiko por kompará e Beibel Santu? (Salmo 119:105)
4. Ki benefisio studiamentu di Beibel ta proporshoná? (2 Timoteo 3:15-17)
5. Ki bendishonnan e Beibel Santu ta duna? (Romanonan 15:4)
6. Pa kuantu tempo e Beibel Santu lo perdurá? (Isaias 40:8)

## KIKO MI TIN DI HASI?

1. Tin un Beibel i les'é tur dia (Deuteronomio 17 :19)
2. Skudriñá ku tur fervor (S. Juan 5: 39)
3. Asept'ele ku goso i alegria (Jeremias 15: 16)
4. Praktiká su enseñansanan ardientemente (Revelashon 1:3)

## MI RESOLUSHON:

Mi ta kere ku e Beibel Santu a wòrdu inspirá dor di Dios . Mi ta asept'é komo regla di fe. Mi ta primintí di studi'é diariamente.

Mi ta Aseptá

Kalifikashon:

Instruktor:

- Beibel ta e fuente di berdat (S. Huan 17:17; Isaías 8:20). El a wòrdu inspirá pa Dios i e Spiritu Santu (2 Pedro 1 :19-21; 1 Samuel 23:2). Por lo tanto no mester rechasá su enseñansanan (1 Samuel 15:23). - E tin poder pa transformá bida (Hebreo 4:12). E ta produsí renasementu i kresemento spiritual (1 Pedro 1:23; 2:2).
- E ta kontené echanan notabel sientífiko. Tera ta kologá den bashí (Job 26:7). Aire tin peso (Job 28: 25). E kantidat di e streanan ta inkontabel (Jeremias 33: 22).
- Mester studi'e i obedesé. Invitashon pa studia e Beibel (S. Huan 5:24,39; Isaías 28: 13). Mester obedesé su konsehonan (S. Juan 14:23). Pa motibu di su lektura nos ta partisipante di e naturalesa divino (2 Pedro 1 :4).

## KIKO BEIBEL TA?

E skrituranan sagrado ta e buki sagrado di e kristian. E ta e hoyá mas presioso di e pensamento i e kultura oksidental. Mas ku esei e ta e revelashon di Dios pa hende. Den realidat e Beibel ta un konhuntu di Buki. E ta kontené 66 buki reuní den dos testamént. E testamént bieu a wòrdu skirbí promé ku Kristu, i e testamént nobo ta e historia di Kristo i e desaroyo di kristianismo. Beibel a wòrdu skirbí den un periodo ku ta abarká un 1500 aña, dor di 40 autor, den kualnan tin sabinan, reinan, pastornan, agrikultornan, dòkternan i legisladornan.

## LOKE HOMBERNAN GRANDIA OPINA ENKUANTU E BEIBEL

Emilio Castelar, famoso dòkter den lèter i polítiko spaño: "Beibel ta e revelashon mas puru ku ta eksistí di Dios". Emmanuel Kant, famoso filósofo aleman: "E eksistensia di e Beibel komo un buki pa e pueblo, ta e benefisio mas grandi ku e rasa humano a eksperimentá." Conde León Tolstoy, eskritor ruso: "E desaroyo moral di e hòmber i e mucha ta imposibel sin lesa e Beibel". Francisco I. Madero, èks-presidente di Mexico: "Mi ta apresia e Beibel den su mas haltu balor. Un di mi esfuersonan mayor ta, pa mi pueblo ta asina ilustrá ku nan por comprendé e prinsipnan grandi di e buki, akí".


## KONSEHONAN ENKUANTO STUDIAMENTU DI E BEIBEL

Tur kristian mester poseé i studia e buki Santu di Dios. Hesus a bisa: "Skudriñá e skrituranan" (5. Huan 5:39). San Jerónimo, traduktor di e vershon di Beibel yamá Vulgata Latina, a bisa: "Nos mester kultivá e inteligensia mediante lektura di bukinan santo". Kardinal Garibi Rivera, èks- arsobispo di Guadalajara a ekspresá: "Si e fielnan ta proponé pa lesa e sagrada skrituranan ku mas frekuensia, nan lo tin un konosemento mas profundo di e revelashon divino, saká dor di e palabra skirbí di Dios. Orashon pa un parti i e lektura di e Beibel pa e otro, ta konstituí un kombersashon di e kristian ku Dios, ku ta sirbi pa alimentá su bida spiritual". Konsilio Vaticano II a bisa lo siguiente enkuanto e Beibel: "Iglesia semper a venerá e sagrado skritura... Di igual forma e konsilio Santo ta eksortá ku poder na tur e kristiannan, en partikular na religiosonan, pa nan sífia e sublime konosemento di Hesu-Kristu ku e lektura frekuente di e Divino Skritura". Ta konbiní pa studia e Beibel Santu den forma regular i ku un persona ku por splika su lèsnan balioso.

## ILUSTRASHONNAN.

Un leyenda bieu romano ta konta di un hòben yamá Fortunato, kende tabata poseé un saku mágiko den kual tabata tin un moneda di oro, i esaki tabata renobá su mes milagrosamente kada bes ku e tabata saka esaki for di e saku i gast'é, pasobra e moneda tabatin e virtud straño di bolbe semper na e saku kual e ta pertenesé. E Beibel Santo ta similar, pasobra ora nos habri su páginanan nos ta wòrdu enrikesé ku su enseñansanan. Ora nos ser'é i bolbe habri'é nos ta enkontrá e mèsun rikesanan. E Beibel semper tin tesoronan inkalkulabel di konseho i orientashon. Un mishonero a puntra na un señora si e tabatin un Beibel. E señora a rabia pa e pregunta i a kontest'é: "Bo ta kere ku mi ta pagano?". Mesora el a yama un mucha chikí i orden'é: Kore, saka e Beibel for di e kaha pa mi mustra e mener". Despues di no mucho tempu e mucha a bolbe ku un Beibel tapá ku stòf i kas di araña. E señora a habri'é i a sklama: "Ki suerte, ta kasi tres aña pasá mi a perdè mi brelhan i awor mi ta haña nan den mi Beibel". Kristiannan no solamente mester tin un Beibel, sino les'é tur dia.





FE DI HESUS

LOKE BEIBEL TA SIÑA TOKANTE

## ORASHON I FE

### E ORASHON

- |   |                    |
|---|--------------------|
| 1. Kon nos ta komuniká ku Dios?         | (Daniel 9:3)       |
| 2. Kiko orashon ta?                     | (1 Samuel 1:9-15). |
| 3. Kuantu poder un orashon sinsero tin? | (Santiago 5: 16)   |
| 4. Den nòmber di ken nos mester resa?   | (S. Huan 14: 13)   |
| 5. Dios ta kontestá orashonnan?         | (S. Mateo 7 :7-11) |

### FE

- |                              |                    |
|------------------------------|--------------------|
| 6. Kiko ta fe?               | (Hebreonan 11:1,6) |
| 7. Kon fe ta wòrdu desaroyá? | (Romanonan 10:17)  |

### KIKO MI TIN DI HASI?

- |                               |                  |
|-------------------------------|------------------|
| 1. Resa tres biaha pa dia     | (Salmo 55:17)    |
| 2. Praktiká orashon privá     | (S. Mateo 6:6)   |
| 3. Pidi pa kosnan kumbiniente | (Santiago 4: 3)  |
| 4. Pidi ku fe                 | (S. Mateo 21:22) |

### MI RESOLUSHON :

Mi ta kere ku Dios ta skucha i kontestá orashonnan. Mi ta desidido pa resa ku fe tur dia.

\_\_\_\_\_

Mi ta Aseptá

Kalifikashon:

\_\_\_\_\_

Instruktor:

\_\_\_\_\_

3

LES

- Ta kumbiní pa resa ku frekuensia (S. Lukas 18:1; Romanonan 12:12). E mehor programata
- Pa resa tres biaha pa dia (Danial 6: 10) Mester tin un spiritu konstante di orashon (1 Tes. 5:17). Asuntunan pa kualnan nos mester resa. Agradesimentu (Filipensenan 4:6). Diferente petishonnan (Santiago 1:5; S. Huan 15:7). Konfeshon di piká.(Daniel 6:10; Salmo 32:3-6).
- Mester pidi pa e nesidatnan di otro (Job 42:10). Kondishonnan pa Dios kontestá orashonnan. Pidi ku FE (S. Mateo 21 :22) Pidi bon (Santiago 4:3). Pidi konforme e boluntat di Dios (S. Lukas 22:41,42) Manifestá spiritu pordonadó (S. Marko 11: 25). Ta perseverante (S. Lucas 18: 1) Warda e mandamentunan (1 Huan 3:22). Impedimentunan pa Dios kontestá e orashon. Si bo pidi egoistamente (Santiago 4:3) Duda (Santiago 1 :6) Falta di spiritu pordonadó (S. Mateo 6:14, 15) Piká wardá den e kurason (Salmo 66:18) Desobediensia na e Lei Santo di Dios (Proverbionan 28:9)
- Dios ta primintí di kontestá e orashonnan (Salmo 3:4; 40:1,2; S. Mateo 7:7-12).

## KIKO TA ORASHON

"Orashon ta e akto di habri e kurason na Dios manera na un amigo. . . Orashon ta e yabi den man di fe pa habri e mangasina di shelu, unda e rekursunan infinito ta di e Omnipotensha" (Elena. de White, Kaminda na Kristu, pags. 93,95).

## SORTO DI ORASHON

Resamento ta konsistí den resitashon di un orashon skirbí kaba. E mas famoso ta e NOS TATA duná dor di Hesus. Orashon ta papia ku Dios, ku nos propio palabranan, pa kont'E tur loke ta afilí nos. Ta éksistí vários tipo di orashon. E orashon públiko ta trata asuntunan kolektivo. Den e orashon familiar e problemanan di hogar ta wòrdu mensioná. E orashon pa e alimentonan tin komo fin pa duna danki na Dios pa nan i pa E bendishoná nan. (S. Lukas 22: 19) E orashon ku tin mas probecho pa e alma ta esun privá. Ta éksistí tambe e orashon mental, ku ta wòrdu elevá sin palabranan audibel.

## PARTINAN DI ORASHON

Bo ta kuminsá bisando: "Nos Tata" (S. Mateo 6:9) i despues bo ta sigui ku loke bo kier bisa Dios. Bo ta kaba e orashon Den nòmber di Hesus (S. Huan 16:23) i ku e palabra AMEN ku ta nifiká "Laga e ta asina".

## EFEKTONAN MARAVIOSO DI ORASHON

E famoso dòkter Alexis Carrel a opiná: "Orashon ta e mas poderoso forma di energia ku ta generá. E ta un forsa mes real Ku e gravedat di tera. Manera dòkter, mi a mira hendenan ku despues di tur e frakasonan di tur e prosedimentonan kurativo, a vensE enfermedat i e melankolia dor di e esfuerso di orashon." Presentá na Dios (den orashon) boso nesidat, tristesanan, gosonan, problemanan i temonan. Bo no por kans'E . . . Su kurason amoroso ta konmové pa nos tristesanan i aun pa e presentashon di nan. Hiba na di'E tur loke ta konfundí bo mente. Ningun kos ta demasiado grandi ku E no por soportá . . . Ningun kos ku di algun manera ta afektá boso pas ta asina chikitu ku E no ta nota esaki. . . Ningun kalamidad por bini riba Su yunan, ningun ansiedad por asaltá e alma, ningun goso alegrá, ningun orashon sinsero skapa di e lepnan, sin ku e Tata Selestial nota esaki, sin ku e tuma den esaki interes inmediato". (Elena G. de White, Kaminda na Kristu, Pags. 100,101).

## ILUSTRASHONNAN

Un kaha fuerte, pa e l'a wòrdu habrí tabatin mester di 18 yabi. Pero e gerente tabatin un yabi ku mesora tabata habri esaki. Di e mésun manera nos por intentá di resolvé nos propio problemanan ku diferente yabi, ora ku orashon por habri e depósitonan di shelu. Dos kristian tabata konbersá. Un tabata bisa; "Mi ta desanimá pasobra nunca Dios ta kontestá mi orashonnan ". "Ta straño, semper e ta kontestá esnan di mi," e otro a bisa, i a agregá: "Tin biaha e ta kontestá mi SI, otro biaha e ta bisami WARDA UN POKO; i algun biaha E ta bisami ku NO, pero semper E ta kontestá mi."





# FE DI HESUS



LOKE BEIBEL TA SIÑA ASERKA DI E

## SEGUNDO BINIDA DI NOS SEÑOR HESU-KRISTU HESUS TA PRIMINTI DI BOLBE

1. Ki promesa maravioso Hesus a hasi? (S. Huan 14: 1-3)

2. Kon nos mester konsiderá e promesa aki? (Tito 2: 13)

### KON HESUS LO BINI

3. Den ki forma Hesus lo regresá? (S. Mateo 24:30)

4. Kuantu lo mira su glorioso binida? (Rev. 1:7)

### PAKIKO HESUS TA BOLBE

5. Kuál ta e opheto di e binida di Hesus? (S. Mateo 16: 27)

6. Kiko lo pasa ku e mortonan hustu? (1 Tesalonisense 4:13-16)

7. Kiko lo pasa ku tur e hustunan? (1 Tes. 4:17)

### KIKO MI TIN DI HASI?

1. Stima e binida di Hesus (2 Timoteo 4:8)

2. Prepará mi mes pa ta kla (1 Huan 3: 2,3)

3. Yuda den predikashon di e evangelio (S. Mateo 24: 14)

### MI RESOLUSHON:

Mi ta kere den e segunda binida di Hesus. Mi kier prepará mi pa ta kla pa bai ku'né shelu.

\_\_\_\_\_ Mi ta Aseptá

Kalifikashon:

\_\_\_\_\_

Instruktor:

\_\_\_\_\_

- Hesus ta primintí di bolbe. a) E promesa den e Tèstament Bieu (S.-Jud. 14. 15; Job 19:25-27; Salmo 96: 13; Isaías 26:21; 40: 10; 62:11; 66:15). b) E promesa den e Tèstament Nobo (S. Mateo 24:30; 16:27; 25:31; 26:64; Filipense 3:20,21; 1 Kor. 1:7,8; 2 Pedro 1:16; Hebreo 9:28; Revelashon 1:7; 22: 12,20).
- Kon i pakiko Hesus ta bini? Lo E bini den forma personal i visibel (Echonan 1:11). Ku tur su angelnan (S. Mateo 25:31). Manera un werlegt (S. Mateo 24:27). Pa destruí e malbadonan (2 Tes. 2:8.9). Pa resusitá e hustunan i transformá e bibunan (1 Kor. 15:51-55).
- Aktitút di e hendenan na e regreso di Hesus. a) E malbadonan ta desesperá (Rev. 6: 15.17). b) E hustunan ta regosihá (Isaías. 25:9). E kreyentenan ta prepará pa e glorioso Advenimento (S. Mateo 24:42; 2 Pedro 3:14; Tito 2:11-14).
- Un mundu nobo di felisidat. Den e mundu nobo lo tin maravianan inkreibel (2 Kor. 2:9). E naturalesa lo wòrdu transformá (Isaías 11 :6-9). Lo no tin mas sufrimento, enfermedat ni morto (Rev. 21:1-4). Lo nos ta pa semper ku Hesus (Rev. 22:1-6).

## ESPERANSA BIENAVENTURA

Un di e maravioso dòktrinan kristian ta e advenimento glorioso di nos Señor Hesus. Ta wòrdu kontá ku e kristiannan primitivo tabata kumindá otro ku e palabra; "Maranata", ku ta nifiká; "Señor ta bini". E di dos advenimento ta un dòktrina bíbliko i kristian. Miones a resa e Nos Tata i a bisa: "Laga Bo reino bini". Ripitiendo e kredo, a wòrdu deklará: "E mester bin husga bibu i mortonan". E dòktrina aki ta wòrdu haña den henter Beibel. Enoc, e di shete patriarka desde Adam, a profetisá di e evento ekstraordinario aki. Mayoría di e profetanán di e antiguo tètament tabata referí na e akontesimentonan di e fin i na e advenimento di Hesus. Den e tètament nobo e echonan ku lo pasa den fin di mundu tin un lugar destaká den e siñansanan di Hesus i e apostelnan. Revelashon ta terminá ku un petishon konmovedor; "Esun ku ta duna testimonio di e kosnan aki ta bisa; Mi ta bini pronto. Amèn; sí, bini, Señor Hesus" (Rev. 22:20).

## TESTIMONIANAN

E kristiannan en general ta kere den e binimento di Hesus. "E ta un berdat di fe ku Hesu-Kristo mester bolbe na fin di mundu pa huzga bibu i mortonan . . . Den e último dia ei tur hustisia lo wòrdu kompletá. Tur fruta di bon obra lo wòrdu premiá, i tur eskándalo di mal obra di e malbadonan lo wòrdu kastigá" (Katesismo di dòktrina kristian, pag. 141).

"Ku fe firme nos ta spera kumplimento di e 'Speransa bienaventurá i e yegada di e gloria di e gran Dios i Salvador Hesu-Kristo' (Tito 2: 13), 'kende lo transfigurá nos pover kurpa gloriosamente na su semehansa' (Filipense 3:21), i lo E bini 'pa E ser glorifiká den su santunan i pa E ta e atmirashon di tur esnan ku tin fe' (2 Tesalonisense 1: 10)" (Dokumentunan di Vaticano 2, pag. 70).

"E fabuloso futuro ku nos komo kristian ta spera lo no ta e desaroyo natural di e historia. . . E lo bini ku establecimento di e Reino di Dios, pa e intervenshon direkto di Dios" (Billy Graham, E mundu den vlamnan di kandela, pag. 194).

## ILUSTRASHONAN

E habitantenan di sierto pueblo den Canada tabata biba pa numa, den sushedat i desórden. Un dia nan a tende ku e Rei di Inglatera lo pasa einan. Entusiasma, tur a pone nan mes den movimento; Nan a hasi limpi, a fèrf, a ordená, a hasi tur kos keda nèchi. Nan tabata kier pa e Rei hiba e mehor impreshon di e pueblo. Pronto e Rei di Reinan i e Señor di Señornan lo bini na es mundu aki. Nos mester hasi nos bida limpi i prepará pa risibí'E. Un hardinero tabata pone gran interes den tene e hòfi di su bas nèchi. Un persona ku tabata pasa a puntr'e: "E doño di e hòfi aki ta pasa mira e hòfi tur dia?". "Nò," e hardinero a kontest'é, "e ta di biahe." "E ta den regresá e dianan aki?" "Mi no sa ki dia e ta regresá". "Pakiko anto bo ta drecha tanto si e doño no t'ei i bo no sa ki dia e ta bolbe?" "Presisamente p'esei, mi kier tin tur kos kla i bunita pasobra mi no sa ki dia e ta bolbe, e por yega na kualke momento" e fiel hardinero a kontestá.





# FE DI HESUS



LOKE BEIBEL TA SIÑA ASERKA DI E

## SEÑALNAN DI E BINIDA DI NOS SEÑOR HESU-KRISTO KI DIA LO E BINI

1. Kiko e disipelnan a puntra Hesus? (S. Mateo 24:3)
2. E fecha di e regreso di Hesus ta konosí? (S. Mateo 24:36)
3. Nos ta den skuridat enkuanto e binida di Hesus? (1 Tes. 5:1-4)

## SEÑALNAN KU TA ANUNZIA E REGRESO DI HESUS

4. Ki señalnan Hesus a predesti? (S. Mateo 24:6,7)
5. Ki kondishonnan sosial lo prevalesé? (Santiago 5:1-5)
6. Kual lo ta e kondishon moral di e humanidat? (2 Timoteo 3:1-5)
7. Kiko lo pasa ku siensia? (Daniel 12: 4)
8. Ki señalnan lo wordu mirá den e astronnan? (S. Mateo 24:29)

## KIKO MI TIN DI HASI?

1. Ta atento na e señalnan di tempo (S. Lukas 21:28-31)
2. Vigilá i ta kla (S. Mateo 24: 42,44)

## MI RESOLUSHON:

Mi ta kere ku Hesus lo bini pronto. Mi ta disidido pa prepará pa ta kla pa bai ku Hesus na e tera nobo.

Mi ta Aseptá

Kalifikashon:

Instruktor:

- E tempo di su binida. Nos no sa e momento eksakto di Su binida (S. Mateo 24:42,44). Pa determiná e tempo di Su binida, ta algu ku ta korespondé solamente na Dios (Echo 1 :7). E lo bini di sorpresa (S. Lucas 12:40; 21 :34). Manera ladron den anochi (2 Pedro 3:10; 1 Tes. 5:2). Pero nos no ta den tiniebla pasobra Hesus a laga señalnan inkonfundibel. (S. Mateo 24:33; 1 Tes. 5:1-4).
- Señalnan ku ta anunsiá e binida di Hesus. E punto mas halto di inmortalidat (S. Lukas 17:26,27; Miqueas 7: 1-3). Temor i angustia (S. Lukas 21 :25,26; S. Mateo 24:21,22). Kalamidatnan natural (S. Lukas 21 :11). Kristunan falso (S. Mateo 24:5,23,24). Apostasia generalisá (S. Mateo 24: 11; 2 Pedro 3:3,4). Predikashon mundial di e evangelio (S. Mateo 24: 14).
- Preparashon pa regreso di Hesus. Sperando i apresurando nos preparashon (2 Pedro 3:12) Mester ta semper prepará (S. Lukas 12:40). Mester perkurá ku diligensia pa wòrdu hañá sin mancha (2 Pedro 3:14). Segun e Beibel Santu, nos no sa ni e dia ni e ora di e regreso di Hesus. Sinembargo, manera tabatin profesianan kla enkuanto e promé advenimento di Hesus, ta èksistí señalnan kla enkuanto su segundo binida. Kumplimento di tal señalnan ta indiká e tempo di fin i e inminente regreso di Hesus.

## SEÑALNAN KOSMIKO

- A) Gran teremoto. Mi a mira ora el a habri e di seis seyo, i ata tabatin un gran teremoto; i e solo a bira skur manera tela di silisio, i e luna a bira manera sanger; i e streanan di shelu a kai riba tera, (Rev. 6: 12,13) E teremoto aki a sosodé dia 10 di november 1755, el a destruí Lisboa i a sakudí Europa i Noord Afrika.
- B) Solo a bira skur. (Isaias 24:23; Joel 2:30,31, S. Marko 13:24, S. Mateo 24:29). E akontesimento ekstraordinario a sosodé 19 mei 1780. Mainta a habri normal, pero meimei di dia un skuridat straño a kubri gran parti di Estados Unidos. E astrónomo Herschel a bisa; "Tabata un fenómeno maravioso di e naturalesa, kual relato semper lo wòrdu lesá ku interes i ku ningun filosofia hamas lo por splika".
- C) Kaida di e streanan (S. Mateo 24:29; Rev. 6:13). E notabel señal aki a sosodé e anochi di 13 novèmber 1833. Un testigo ku a presensia e kaida di e streanan a bisa ku nan tabata kai di tal kantidat, ku e lus ku esakinan tabata duna, hende por a lesa un korant.

## AUMENTO DI SIENSIA

Daniel a bisa di padilanti ku den tempo di fin "siensia lo oumentá" (Daniel 12:4) E señal kla aki ta kumpli dramátikamente dilanti nos wowonan." E saber humano ta dupliká kada 15 aña, i den ménos di dos generashon hende a pasa di outo ku kabai ta hala te na proyektilnan ku bo ta sinta un kaminda dirigí nan" (Billy Graham, E mundu den vlamnan, pag. 225)

## UN GLORIOSO AMANESER TAASERKANDO

E kumplimento eksakto di e señalnan anunsiá dor di Hesus i e profetanan ta indiká ku e anochi largo i kansá di doló i morto ta terminando. E kosnan radiante di e mundu nobo ku Hesus ta ofresé na "tur ku stima su binida" por wòrdu mirá.

## ILUSTRASHONNAN

E ansio a kai manera un bòm. E esposo i tata mester a bai guera. Ku doló e parientenan a bai dispidi di nan. E yu desesperá tabata puntra; "Ki dia lo bolbe, tata?" E tata a kontesté "Kualke dia di esakinan ku e mèsun trein aki ku ta yega sinkor lo mi regresá". Desde e dia ei e yu aki tabata warda ansiosamente e bèl di sinkor bati ku tabata anunsiá yegada di e trein. Ora esaki tabata sona e yu tawata kore bai wak si den e pasaheronan su tata no a bini. Despues di dos aña entre un di e pasaheronan su tata a baha. Ki alegría, prònto e tabata den su brasan. Bo no ta bai mas, berdat tata? E yu a puntré ansiosamente. "Nò, awor lo mi keda semper ku boso. E bèl nan di historia ta anunsiá ku prònto Señor Hesus lo bini riba nubianan di shelu, pa hiba nos ku n'E "i nos lo ta pa semper ku Señor."





FE DI HESUS



LOKE BEIBEL TA SIÑA ASERKA DI

## ORIGEN DI PIKA

### KUMINSAMENTU DI PIKA

1. Unda i ki ora piká a kuminsá?

(Rev. 12:7-10)

2. Den ken piká a originá?

(Ezekiel 28:14-17)

### PIKA RIBA TERA

3. Ki señal di obedensia Dios a duna Adam i Eva? (Genesis 2:15-17)

4. Den kiko e promé piká a konsistí?

(Genesis 3:1-6)

### KONSEKUANSIANAN TERIBEL DI PIKA

5. Kiko ta piká?

(1 Huan 3:8)

6. Na ken e pekadador ta someté su mes?

(1 Huan 3:8)

7. Kual ta e resultado final di piká?

(Romanos 6:23)

### KIKO MI TIN DI HASI?

1. Resistí Satanas den nòmber di Dios

(Santiago 4:7)

2. No sigui hasi e piká

(Romanos 6:12)

3. Vense ku e ayuda di Hesus

(Romanos 8:37)

### MI RESOLUSHON:

Lo mi perkurá ku e ayudo di Dios, di limpia mi bida di tur piká.

Kalifikashon:

Instruktor:

Mi ta Aseptá

- Satanás (Lusifer) ta e outor di piká. Lusifer a wòrdu krea perfekto. (Ezequiel 28:14,15), E tabata kier a yega na ta igual ku Dios (Isaias 14:13,14). Un guera a kuminsá den shelu (Rev. 12:7-9). Lusifer no a permanesé den e berdát (S. Huan 8:44). El a peka desde prinsipio (1 Huan 3:8).
- Kiko piká ta? E ta transgreshon o falta ku e lei di Dios, (1 Huan 3:4). Tur inhustisia ta piká (1 Juan 5: 17), Sabi di hasi bon i no hasi'é (Santiago 4: 17). Rechasá e mensahe di Hesu-Kristo (S. Huan 15:22).
- E teribel konsekuensianan di piká. E ta kita e pas di e alma (Isaias 57: 20,21; Romano 2:9) E ta separá e persona di Dios (Isaias 59:2), E ta hasi e pekador katibu di Satanás (1 Huan 3:8). E ta kousa morto eterno (Romano 6:23).
- Ousilio efikas den e lucha kontra piká. Nos tin un lucha konstante kontra e trамpanan di Satanás (Efesíonan 6: 11,12). Pero si nos ta ku Dios, Diabel ta hui, (Santiago 4:7). Nos tin un armadura kompleto pa defendé nos mes di e atakenan di e maligno (Efesíonan 6:11.18). E sanger di Kristo ta limpia nos di tur piká (1 Juan 1:7).

## KEN A TRAHASATANAS?

Dios no a krea Satanás (atversario), sino Lusifer (Lusero), Un kriatura ku un beyeza èkstraordinario i ku inteligensia. Lusifer, poko poko a kultivá envidia, odio i orguyo. Pa e kalma di su dualmento, el a pretendé di ta manera Dios. El a rebeldiá kontra Dios akusando E komo un tirano i hende sin amor. Dios no a destruí Satanás, pa permiti ku tempo manifestá den tur su sentido e mal proseder di Satanás, i lo no keda duda di e hustisia i amor divino.

## PIKA ORIGINAL

I Dios a krea hende na Su imágen, na imágen di Dios El a krea nan", "I Dios a mira tur loke El a krea i ata, e tabata bon den gran manera" (Génesis 1 :27,31), Hende a risibí di su Kreador inteligensia, rasonamento i kapasidat pa elihí libremente su destino, Ora hende a enfrentá Satanás i a kai den tentashon, hende a kometé piká di desobedesé un mandato definí dor di Dios. Ademas el a ehèrsé ekivokádamente su poder di skohe. El a kere Satanás i a deskonfia Dios. Di e manera ei el a rechasá su Tata Dios i a pone su mes bou di mandato di Satanás.

## E TERIBEL KU PIKA TA.

"Desde su planta di pia te na su kabes, no tin kos bon den dje, sino herida hinchá, yaga putrí; nan no ta kura ni lorá den ferbant ni suavisá ku zeta" (Isaias 1:6). E profeta ta kompará piká ku e teribel malesa yamá Lepra. Dios ta aboresé e piká pero ta stima e pekador. E kier mir'é liber di su konsekuensianan espantoso. Piká semper ta kousa desgrasia i problema. "Mientras ma permanesé den silencio mi wesunan a bira bieu den mi kehamento di tur dia. Pasobra di dia i anochi bo man tabata pisá riba mi; mi berdè a bolbe na sekura di verano" (Salmo 32: 3). E konsekuensianan peor di piká ta kaida di e bida spiritual i alehamento di Dios.

## E FIN DI PIKA

E kalamidatnan di e piká lo yega na su fin huntu ku su outor, e Diabel. Satanás i su angelnan ta reservá pa e huisio di e gran dia, (S. Judas 6). Finalmente, nan lo wòrdu destruí den e tanki di kandela (Rev. 20: 10). Piká lo wòrdu eliminá i nunca mas lo e bolbe surgi (Malakias 4: 1).

## ILUSTRASHONNAN

Un kaminante a kompadesé di un serpiente ku tabata drumí den un mainta frui. Ela koloká esaki den su pechu. Ora e animal a lamta for di soño, el a morde esun ku a yudé kousando e su morto. Nunca mester hunga ku piká. Nos no mester permiti'e den nos bida. E resultadonan semper ta fatal. Den un santana, algun mucha ku tabata hunga ku un skelèt a nota ku algu tabata move den esaki. Tabata un klabu. Investigashonnan a wòrdu hasi i a yega na e konklushon ku trinta aña promé, un mal muhé a mata su kasa ku e klabu aki. Tabata parse ku tur kos a wòrdu lubidá pero nò, tur kos a wòrdu deskubri i e awor ansiana a pasa su último dianan den piskalat. "Boso piká lo alkansa boso (Número 32: 23). "Pasobra nada lo keda skondí sin ku e wòrdu manifestá. (S. Lukas 8:17).





FE DI HESUS



LOKE BEIBEL TA SIÑA ASERKA DI

# SALBASHON

## KONSEKUANSIANAN TERIBEL DI PIKÁ

1. Kual ta e konsekuensia final di piká? (Romano 85:12)
2. Hende por resolvé e problema di piká? (Yeremias 2:22)

## HESUS TA SALBA PEKADOR

3. Ki provishon Dios a hasi pa salba hende? (S. Huan 3:16)
4. Kon Hesus a deskribí su mishon? (S. LuKas 19:10)
5. Hesus a kometé algun piká (Hebreonan 4:15)
6. Kon Hesus a paga e debe di hende? (Isaias 53:3-7)
7. Ki akto a sigurá nos salbashon? (1 Korintionan 15:20-22)

## KIKO MI TIN DI HASI?

1. Kere den Hesus (Echonan 16:30,31)
2. Asept'E komo mi úniko Salbador (Echonan 4: 12)
3. Habri e porta di bo kurason p'E (Rev. 3:20)

## MI RESOLUSHON:

Mi ta kere ku Hesus a muri pa mi.  
Mi ta asept'E komo mi úniko Salbador.  
Mi ta entregu'E mi bida y mi kurason.

Kalifikashon:

Instruktor:

Mi ta Aseptá

- Piká i su konsekuensianan teribel. Tur ser humano a peka (1 Huan 1:8). E pekador ta keda bou di e serbidumbre di Satanas (2 Pedro 2:19). E suerte final di e pekador ta morto (Romano 6:23). E pekador no por hasi nada pa salba su mes (Yeremias 2:22).
- Un Plan di amor. E plan di salba hende dor di Kristo a wòrdu konsebi desde etèrnidat (2 Timoteo 1:9; Efesionan 3:8,9).
- Hesus ta e úniko Salbador. Apostel San Pedro a deklará ku Hesus ta e úniko Salbador (Eho 4: 12). Kon Hesus a salba nos? Laga nos mira shete aktonan di redenshon;
  - 1) **ENKARNASHON**. Hesus siendo Dios a bira hende (S. Huan 1:14; Galatianan 4:4; Hebreo 2:14).
  - 2) **BIDA SIN PIKA**. (Hebreo 4:14-16; 1 Huan 3:5; 1 Pedro 2:22).
  - 3) **UN MORTO NO MERESI** (Pedro 2:24; 1 Timoteo 1:15; Romanos 5:8).
  - 4) **RESUREKSHON** (Romanonan 4: 25; 1 Kor. 15:13,14).
  - 5) **ASENSHON NA SHELU** (1 Timoteo 3:16)
  - 6) **INTERSESHON** (1 Timoteo 2:5; Hebreo 7:25).
  - 7) **ATVENIMENTO** (Hebreo 9:28).
- Nos ta salbá pa grasia. Salbashon ta wòrdu duná pòmada (Romano 3:24; Efesio 2:8). Pa optené salbashon mester kere den Hesus (Ehonian 16:30,31; Hebreo 4:16).

## E PLAN DI SALBASHON

Si un mucha kai den un presipisio su tata lo hasi tur loke ta posibel pa sakele. Si nan sekuestrá un yu su tata lo paga kualkier suma pa reskat'e. Si e yu ta malu, lo e kontratá e mehor dòkternan pa e mucha kura. Dios a pèrdè su yunan. Esakinan a kai den e abismo di piká. Nan a wòrdu sekuestrá dor di Satanas. Nan a keda enfèrmo dor di piká. Pero Dios manera un bon Tata a tuma e medidanan nesario pa salba nan. Redenshon di humanidat a kosta nada ménos ku e sanger presioso di Hesus (1 Pedro 1:18,19). E plan di salba hende ta un plan di amor (1 Huan 3:16). E tabata konsistí ku Dios a duna su yu (S. Huan 3:16). i e yu a bini pa buska loke tabata perdí (S. Lukas 9:10), i e tabata duna su bida komo preis di reskate pa e pekador (1 Timoteo 2:6).

## HESUS SALBADOR UNIKO I SUFISIENTE

Si nos ta malu di salú nos por skohe kualkier dòkter. Den e enfermedat di piká, solamente tin un dòkter ku por salba nos: Kristo. -"I den ningun otro tin salbashon; pasobra no tin otro nòmber (fuera di Kristo) bao di shelu, duná na hende, den ken nos por ta salbá" (Ehu 4: 12).

## NOS TA SALBA GRATUITAMENTE PA MEDIO DI E GRASIA DI DIOS

Ningun tesoro lo por paga e don inefabel di salbashon. P'esei Dios ta duna salbashon pòmada. "Den ken nos tin redenshon pa su sanger, e pordon di piká segun e rikesanan di su grasia" (Efesio 1:7). "Pasobra pa grasia boso ta salbá pa medio di fe; i esaki no di boso mes, pues e ta don di Dios" (Efesio 2:8). Pero nos mester kere den Hesus i tin fe den su poder ku por salba nos (Eho 16:31; Romano 5:1).

## FIN DI PIKA

Lo no keda rais ni rama di e piká (Malakias 4:1). E tera lo wòrdu purifiká (2 Pedro 3:10). Tur kos lo wòrdu renobá (Rev. 21:5). E maldishon i e piká lo no tuma lugá mas (Rev. 22:3).

## SITANAN ENKUANTO SALBASHON

"Nos ta kere firmemente ku e Tata a stima mundu asina tantu ku El a duna su úniko yu pa salba mundu. Pa media di e mèsun yu ei, E ta libra nos di e lasonan di piká. . . afín ku nos por wòrdu yama yunan di Dios, i ta asina realmente". "Pues solamente Kristo ta e mediator i e kaminda di salbashon" (Dokumentonan di Vatikanò 2, Pág. 23) "E kurason di Dios ta suspirá pa su yunan terenal, ku un amor mas fuerte ku morto. Dunando su yu El a duna nos henter shelu den un don. E bida, morto i interseshon di e salvador, e ministerio di e angelnan i e súplikanan di e Spiritu Santu, e Tata ku ta obra riba tur kos i pa tur kos, e interes ku no ta kaba di e seman selestial, tur ta mobilisá na fabor di e redenshon di hende" (E. G. White, E Kaminda na Kristo, pag 21).

## ILUSTRASHON

Un romano nobel tabata wòrdu persigui dor di su enemigonan pa morto. Pa salb'é, un di su katibunan ku tabata stim'é masha, a kambia di paña ku n'E. Den anochi e enemigu a kapturá i a mata e katibu. Pero e shon a salba su bida. E mesun kos Hesus a hasi. Ela bisti nos pañanan di inhustisia i a duna Su bida pa nos.





LOKE BEIBEL TA SIÑA ASERKA DI

## PORDON DI PIKA

### E UNIKO KAMINDA DI SALBASHON

1. Danki na ken i na kiko nos ta salbá?

(1 Pedro 2:24)

2. Kuantu salbashon ta kosta?

(Romanos 3:24)

### OPTENIENDO PORDON

3. Ki rekonosimentu sinsero e pekador mester eksperimentá?

(S. Lukas 18:10-14)

4. Ki sentimentu profundo ta indespensabel?

(Echonan 2:37,38)

5. Kiko mester wòrdu hasi ku e pikánan?

(Salmo 32:3-5)

### E DUSHI SEGURIDAT DI PORDON

6. Ki ofresimentu maravioso Dios ta hasi?

(Isaias 1:18)

7. Kon kompletu e pordon Divino ta?

(Isaias 43:25)

### KIKO MI TIN DI HASI?

1. Arepentí di henter mi kurason

(Echonan 3:19)

2. Konfesá tur mi pikánan

(1 Huan 1 :9)

3. Eksperimentá konbèrshon

(Ezequiel 36:25-27)

### MI RESOLUSHON:

Mi ta pidi humildemente pordon pa mi pikánan. Mi ta kere ku Dios lo pordonámi. Mi kier biba un bida santu den Hesus.

Kalifikashon:

Instruktor:

Mi ta Aseptá



LIES

- Pasonan pa optené pordon: 1) Rekonosé bo kondishon di pekador (1 Huan 1:8; Salmo 51 :2,3). 2) Arepentimento sinsero (Echo 3:19; S. Lukas 3:8; 13:3-5). 3) Aseptashon di Hesus komo úniko salvador (Echu 4: 12; 5: 31; 10: 43). 4) Konfeshon. Konfeshon ta indispensabel (Salmo 32: 1-5; Provèrbio 28: 13). Mester nombra e piká kometé (Levitiko 5:5). Lo mester paga pa e dañonan kousá (Levitiko 6:4). E konfeshon mester wòrdu hasi na Dios (1 Huan 1:9; Isaías 1:18; Salmo 103:3). 5) Konbershon (2 Krónika 7:14; Echo 3:19).

## **-E PORDON MARAVIOSO DI DIOS.**

Dios ta pordoná kompletamente (Isaías 43:25; Hebreo 8: 12; 10: 17). E pordon ta pornada (Romano 3:24). Nos ta wòrdu pordoná pa e akto (S. Lukas 23:39-43). Pa optené pordon ta manera drecha un kuenta pendiente. E pekador no tin pa paga e debe; pero Hesus a pagu'é pe riba e krus di Kalvario i E ta ofresé e meritonan di su sakrifisio na esun ku deseá na asepte.

**-AREPENTIMENTO.** E arepentimento berdadero ta trese doló sinsero i profundo motibo di a peka, (2 Kor. 7:10). Arepentimento ta indispensabel pa optené pordon. (Echo 2:37,38).

**- KONFESHON.** E pikánan mester wòrdu deklará na Dios, pasobra E ta esun ku por pordoná nan. No por tin pordon aménos ku tin un konfeshon sinsero i kompleto (Prov. 28: 13). "Konfeshon di nos pikánan ya sea públiko òf privá, mester ta di kurason boluntario. E no mester wòrdu ranká for di e pekador. E no mester wòrdu hasi di un manera lihé i deskuidá. E berdadero konfeshon semper ta di un karakter spesífiko i rekonosé pikánan partikular. . . E konfeshon no ta aseptabel pa Dios si e no bai akompañá pa un arepentimento sinsero i un reforma. Mester tin kambionan disidí den bida; tur loke ta ofendé Dios mester wòrdu bandoná. Tal lo ta e resultado di un berdadero tristesa pa piká" (E. G. de White, Kaminda na Kristu, págs. 38, 39).

**-KONBERSHON.** Komo resultado direkto di arepentimento i konfeshon, un cambio radikal lo tumá lugar den bida di e pekador. "Di manera si algun hende ta den Kristu, un kriatura nobo e ta. Loke ta bieu a pasa kaba: l'ata, tur kos a bira nobo. (2 Kor. 5: 17). Esnan ku bira kriaturanan nobo den Kristu-Hesus ta produsí e fruta di Spiritu: Amor, goso, pas, benignidat, bondat, fidelidat, mansedumbre, templansa". Nan no ta konformá nan mes ku e mal deseonan di ántes, mas bien pa fe nan ta sigui e tempus i pasonan di e yu di Dios, nan ta reflejá Su karakter i nan ta purifiká nan mes manera E ta puru. Awor nan ta stima e kosnan ku promé nan tabata aboresé i ta aboresé esnan ku un tempo nan tabata stima. Esun ku tabata orguyoso i dominador ta awor manso i humilde di kurason. Esun ku tabata vano i grosero awor ta serio i diskreto. Esun ku promé tabata buraché awor ta na tino; i esun ku tabata gusta libertinahe awor ta puru" (E.G. White, Kaminda na Kristu, pag. 58,59)

**- HUSTIFIKASHON.** "Nos anto, hustifiká pa fe, a haña pas serka Dios pa medio di nos Señor Hesu-Kristu; Pasobra Kristo a muri na su tempo propio pa e pekadoman, ora nos tabata sin forsa ainda. Ma Dios ta konfirmá su amor na nos, pasobra tempo nos tabata pekadorman ainda, Kristu a muri pa nos. Muchu mas awor anto, ku nos ta hustifiká pa medio di su sanger, nos lo wòrdu salbá dje rabia pa Su via". (Romanonan 5: 1,6,8,9) "E pordon di Dios ta bai muchu mas ayá ku e pordon di piká. Dios no solamente ta pordoná, sino ta hustifiká. Esaki ta nifiká ku hende ta realmente sin kulpa dilanti di Dios" (Billy Graham, E mundu den vlamnan, pág. 167).

**- SANTI FIKASHON.** Despues di hustifikashon, ku e ayuda di Dios, nos mester mantené nos mes sin kai (S. Judas 24). No mester tin pikánan boluntario (Hebreo 10:26). E sekreto di santifikashon ta pa krese den konosemento di Dios (Kolosense 1: 10). E úniko forma di optené e eksperensia aki di progreso kontinuo, ta pa ta íntimamente ligá ku Hesus i pa konfia den Su poder (Gálatas 2:20; Romanonan 8:37). "Nos kresemento den gracia, nos goso, nos utilidat, tur ta dependé di nos komunión ku Kristo. Solamente estando ku n'E den komunión diariamente i permanesiendo den dje kada ora, ta e forma den kual nos mester krese pa gracia. . . Konsagrá na Dios tur mainta; hasi di esaki bo promé trabou" (E.G. de White, Kaminda na Kristu, pag. 69, 70).

## **ILUSTRASHON**

Un mucha chiki di India a resa; "Kerido Hesus, hasi mi manera Bo tabata día Bo tabatin seis aña manera ami tin awor". Esaki ta e sekreto di santifikashon.





FE DI HESUS



LOKE BEIBEL TA SIÑA ASERKA DI

## HUISIO

1. Riba kiko Dios lo hasi e huisio?

(Eklestastes 12:14)

2. Kuantu hende lo mester komparesé dilanti huisio? (2 Korintionan 5: 10)

### E HUISIO DEN AKSHON

3. Ken ta e hues?

(S. Huan 5:22)

4. Unda nos akshonnan ta wòrdu registrá?

(Rev. 20:12)

5. Ken ta e testigunan?

(S. Mateo 18:10)

6. Ken ta e abogado?

(1 Juan 2:1)

7. Dor di kua buki di lei nos lo wòrdu husgá?

(Santiago 2:12).

8. Kua lo ta e sentensha?

(S. Mateo 25: 31-46)

### KIKO MI TIN DI HASI?

1. Kere i obedesé Hesus

(S. Huan 5: 24)

2. Teme Dios i warda su mandamentunan

(Eklestastes 12: 13)

### MIRRESOLUSHON:

Mi ta aseptá Hesus komo mi abogado. Mi ta deseá di respetá e mandamentunan.

\_\_\_\_\_ Mi ta Aseptá

Kalifikashon:

Instruktor:

- Lo tin un huisio. Dios a stablesé un dia pa huzga (Echo 17 :31). Hasta e kosnan skondi lo wòrdu huzgá (Romano 2:16).
- Tur lo mester komparesé dilanti Hues. Tur lo mester para dilanti e tribunal di Kristo (Romano 14:10). E angelnan malu tambe lo wòrdu huzgá (S. Hudas 6). Kada un lo respondé pa su akshonnan (S. Mateo 12:36; Romano 14: 12; Eklesiastes 11 :9). E huisio lo kuminsá ku e kas di Dios (1 Pedro 4:17). E hustunan i e malbadonan lo wòrdu huzgá (Eklesiastes 3: 17). Ta imposibel pa gaña Dios (Galatio 6:7).
- E REGISTRONAN. E huisio lo wòrdu hasí ku ayuda di e registronan ku tin den shelu (Rev. 20:12). Ta éksisti vários buki: a) Di bida (Rev. 20:12). b) Di memoria (Malakias 3:16). c) Di piká (Isaias 65:6,7; S. Mateo 12:36,37).
- E norma di huisio. E norma supremo ta e lei santu di Dios (Romano 7:7; Santiago 2:12; Eklesiastes 12:13,14). Nos lo wòrdu huzgá tambe di akuèrdo ku e siñansanan i e evangelio di Hesus (S. Juan 12:48; Romano 2:16).

## REALIDAT DI E HUISIO

Profeta Daniel a mira e momento dramátiko di e huisio (Daniel 7:9, 10). Diferente outoridat religioso ta referi na e momentu ei. "I kada uno lo mester duna kuenta dilanti e tribunal di Dios, di su propio bida, segun e mes a skoge pa bon òf pa malo "(Dokumentunan di Vatikanò 2 pág. 209). "Hesus lo bolbe na mundu na final di tempu, pa ehersé su poder di hues soberano. E huisio públiko aki, universal, último, ta nesesario pa hustifiká e providensia divino, glorifiká Hesu-Kristo, alegrá e hustunan, i konfundí e malbadonan" (Hillaire, E religion demostrá, pág. 500).

## E TEMPO DI HUISIO

Daniel, den su Profesia di kapítulo 8:14, ta stablesé ku na final di e 2.300 añanan "e santuario lo wòrdu purifiká". E santuario tabata e kas di kulto pa e hudiunan. Un biaha pa aña un seremonia imponente di huisio tabata wòrdu realisá. Pero Beibel ta splika ku den shelu e berdadero santuario ta wòrdu enkontrá (Hebreo 8:2,5). Purifikashon di e santuario selesial no ta nada otro sino kuminsamentu di e huisio investigador, esun ku a kuminsá na final di e 2.300 añanan o sea na 1844.

## E ABOGADO DEFENSOR

Señor Hesus ta desempeñá un papel importante den e huisio. E Tata a enkomendá e tarea espesífiko di huzga, (S. Huan 5:22,27; Echonnan 10:42). "Dios pa glorifiká humanidat di Su Yiu divino, a konfi'E e huisio di hende. Tur mester para dilanti e tribunal di Kristo" (Hillaire, E religion demostrá, pag. 508). Sinembargo, e tarea mas espesífiko di Hesus ta esun di abogado i intersesor. Daniel ta relatá ku estando e huisio den akshon, nos Señor Hesu-Kristo lo presentá i lo wòrdu hibá te na e Tata (Daniel 1:9,13). Einan E ta interседé pa nos (1 Tim. 2:5; Hebreo 7:25). E pekador mester akudí konfia na Hesus, su abogado (Hebreo 4:16). Ora nos arepentí sinseramente, despues di konfesá tur nos pikánan, Hesus ta tuma nos kaso i ta aktua manera un abogado efikas na nos favor (1 Huan 1 :9,2: 1).

## SEGURIDAT DEN E HUISIO

E seguridat den e huisio ta konsistí den apartá kompletamente for di piká (Ezekiel 18:20-22,27). Luego Hesus lo bini i paga kada uno segun nan obra (S. Mateo 16:27). Pero lo no tin ningun problema ku esnan ku a mantené nan mes fiel i firme te na fin (Rev. 2: 10; 3:5). Kreyendo den Hesus, kamando den Su lus i konfiando plenamente den d'JE, nos por tin e absoluto seguridat di optené un lugar favorabel den e huisio (1 Huan 1:7; S. Ju., 5:24).

## ILUSTRASHONAN

Un dia den wenter, un propietario a insultá un viuda i a sak'é di su kasita unda e tabata biba ku su yu hòmber di ocho aña. E mucha a yega di ta un gran pintor. Riba e lienzo el a ekspresá e triste esena ku el a presensia ora e tabata un mucha, el a eksponé e cuadro aki i hopi ku a mir'é a indigná. E kulpabel ora el a mira e cuadro el a spanta i tembla. El a ofresé un suma favorabel pa optené e cuadro aki ku e por a destrui'é, pero tur kos tabata enbano. Di e mes un manera kada pekador riba e dia di huisio lo bolbe enkontrá kada akshon bon of malu ku el a kometé.





FE DI HESUS

THE DECALOGUE

LOKE BEIBEL TA SIÑA ASERKA DI

## E LEI SANTU DI DIOS

### IMPORTANSIA DI E LEI SANTU DI DIOS

1. Ken i kon a skirbi e lei santu? (Eksodo 31:18)
2. Kiko e lei santu ta revelá? (1 Huan 3:4)
3. Na ken e lei santu ta hiba nos? (Galationan 3:24)
4. E dies mandamentunan (Eksodo 20:3-17)

### PERPETUIDAT DI E LEI SANTU

5. Kua tabata e aktitut di Hesus pa ku e lei? (S. Huan 15:10)
6. Hesus a realisá kambionan den e lei? (S.. Mateo 5:17,18)
7. Algun hende por kambia e dies mandamentunan? (Eklestastes 3:14)

### KIKO MI TIN DI HASI?

1. Stima Dios i warda su lei (S. Huan 14:15)
2. Warda e mandamentunan (Salmo 119: 44)
3. Respetá tur e mandamentunan (Santiago 2:10)

### MI RESOLUSHON:

Mi ta asepta e lei santu di Dios. Lo mi perkurá ku e ayuda di Dios, pa respetá tur e mandamentunan.

\_\_\_\_\_  
Mi ta Aseptá

Kalifikashon:

\_\_\_\_\_

Instruktor:

\_\_\_\_\_

10

LES

- E importansia di e lei. E ta e norma di e berdat (Isaias 8:20). E lei ta un kopia di e karakter di Dios; ámbos ta; a) Santu (1 Pedro 1:6); Romano 7:121. b) Hustu (S. Huan 17:25; Salmo 119:172). c) Perfekto (S. Mateo 5:48; Salmo 19:7,8). d) Etèrno (Hebreo 13:8; Salmo 111:7,8).
- Perpetuidad di e lei di Dios. Dios ta etèrno (Malakias 3:6). Su lei tambe ta etèrno (Salmo 119: 152). Kristo no a kambia e lei, mas bien El a konfirm'é (S. Mateo 5: 17,18; Isaias 42: 21)."E mama i e disipelnan di Hesus tambe a respetá e lei (S. Lucas 23:56; Romanos 7: 22; 2 Pedro 2: 21; Santiago 1:25; 1 Huan 2: 3,7).
- E kristian mester warda e lei santu. E lei ta e gran utilidat den e bida di e kristian (Romanos 2: 18; Salmo 119: 104, 165). E demostrashon berdadero di e amor pa Dios ta pa warda Su mandamentunan (S. Huan 14: 15,21; 15:10). E redimínan lo warda e lei santu (Romanonan 2: 13; Rev. 14: 12; 1 Huan 2: 3-6). Dios ta esun ku ta yuda nos pa respetá e lei (Hebreo 10:16; S. Juan 15:5; Romanonan 8:3,4).

## **BENDISHONAN KU NOS TA RISIBI ORA NOS WARDAA E MANDAMENTUNAN**

E universo, kreashon di Dios, ta wòrdu goberná pa leinan di naturalesa. Tur òrden moral, sosial, komersial e internashonal ta wòrdu goberná pa medio di leinan. Asina anto Dios a pone leinan moral i spiritual. E mesun leinan aki ta manera e disposishonnan sabí di un tata pa e formashon rekto di su yunan. E siñanza bibliko ta kla aserka di e nesesidat di respetá e mandamentunan santu. "No esun ku bisami; Señor, Señor, lo dreña den reino di shelu, ma esun ku cumpli ku boluntat di mi Tata, ku ta na shelu" (S. Mateo 7: 21). Siendo ku Dios lo trespase tur obra na huisio, tur mester warda e mandamentunan (Eklestias 12:13). Bendishonnan ta wòrdu primintí pa esnan ku warda e lei; nan lo tin pas (Isaias 48: 18; Salmo 119: 165). Jehova lo eksaltá nan (Deutoronomio 28:1).

## **E LEI E GRASIA**

Ningun hende lo wòrdu salbá pa wardamento di e lei, sino pa e gracia redentor di Hesus (Galatas 2:16). Sinembargo, e lei tin un parti importante i nesesario den e salbashon: e ta mostra nos loke ta piká (1 Huan 3: 4). Manera un spil, e ta mostra nos kondishon desesperá (Santiago 1:23-25). Despues e ta hiba nos na Kristo, kende ta salba nos (Romano 10:4; Galatio 3:24). Salbá, ku e ayuda di Dios, nos lo respetá e lei santu, pues e gracia no ta kita e lei di Dios (Romanonan 3:31).

## **E LEI DI DIOS NO A WORDU ABOLI**

Hesus a siña ku klaridat ku e lei di Dios no ta kambia (S. Mateo 5: 17,18). Por lo tanto, pa bo no bruha, ta konbiná pa hasi diferensia entre e lei moral di Dios ku ta etèrno i e leinan seremonial ku tabata representá Kristu i Su sakrifisio, i ku por lo tanto, a terminá ku su morto na krus. (Kolosensenan 2:14; Efesio 2:15).

## **LEI MORAL**

1. E ta spiritual (Romanos 7:14)
2. Lei real (Santiago 2:8)
3. Duná dor di Dios (Deutoronomio 4:12)
4. Skirbi riba piedra (Eksodo 31: 18)
5. E ta inmutabel (Salmo 111:7,8)
6. E no a wòrdu aboli (Romanos 3:31)

## **LEI SEREMONIAL**

1. E ta karnal (Hebreo 7:16)
2. Lei ritual (Kolosense 2:14)
3. Duná dor di Moises (Levitiko 1:1-3)
4. Skirbi den buki (Deutoronomio 31:24) 5.
5. E ta temporal (Hebreo 10: 1)
6. E la wòrdu aboli (Kolosense 2:14).

## **E MANDAMENTUNAN SANTU**

E dies mandamentunan por wòrdu hañá den Eksodo 20:3-17. Den un resúmen nan ta bisa lo siguiente:

- |  |  |
|--|--|
| 1. Lo bo no tin diosnan falsu.                           | 6. Lo bo no mata.                                  |
| 2. Lo bo no hasi imágen, no honranan i no dunanan kultu. | 7. Lo bo no kometé adulterio.                      |
| 3. Lo bo no tuma nòmber di Dios por nada.                | 8. Lo bo no hórta.                                 |
| 4. Warda e santu día di sabat.                           | 9. Lo bo no lamta falso tèstimonio kontra Boruman. |
| 5. Honra bo tata i bo mama.                              | 10. Lo bo no kudishá.                              |

Ningun hende no tin derecho pa kambia e mandamentunan aki; tampoko den pone òf kita algu (Eklestias 3:14; Rev. 22:18,19). Hesus nunca a duna outorisashon na ningun hende pa hasi kambio algun; al kontrario, El a reprochá enérgikamente esnan ku kier a hasi algun kambio na e lei pa e tradishon humano (S. Mateo 15:3,6,9).





FE DI HESUS



LOKE BEIBEL TA SIÑA ASERKA DI

## E DIA DI DESKANSO

### E DIA DI DESKANSO DUNA DOR DI DIOS

1. Kua ta e dia di deskanso segun e lei di Dios? (Eksodo 20:8-11)
2. Pa benefisio di ken e sabat a wòrdu duná? (S. Markos 2:27)

### HISTORIA DI E SABAT SANTU

3. Ken a instituí e sabat i ki ora e l'a hasié? (Génesis 2: 1-3)
4. Kua dia nos Señor Hesu-Kristu a respetá (S. Lucas 4;16)
5. Kua dia Birgen Maria tabata warda? (S. Lukas 23:56)
6. Kua dia e apostelnan santu tabata respetá? (Hechunan 17:2)
7. Kua dia lo wòrdu wardá den shelu? (Isaias 66: 22,23)

### KIKO MI TIN DI HASI?

1. Tene kuidou pa no kibra e sabat (Isaias 56:2)
2. Venerá e sabat, hasiendo e boluntat di Dios (Isaias 58:13,14)
3. Obedesé Dios promé ku hende (Echonan 5: 29)

### MI RESOLUSHON:

Mi ta kere ku e sabat ta e dia di Señor. Mi ta primintí pa respet'é fielmente.

\_\_\_\_\_

Mi ta Aseptá

Kalifikashon:

\_\_\_\_\_

Instruktor:

\_\_\_\_\_

- Historia venerabel di e Sabat. Ela wòrdu duná den kreashon(Génesis 2: 1-3). Abraham a respet'é (Génesis 26: 5). El a wòrdu santifiká for di e hebreonan promé ku e promulgashon skirbi di e lei santu(Eksodo 16: 21-30). Promulgá den e lei santo (Eksodo 20:8-11). El a wòrdu wardá pa Hesus (S. Lukas 6:5, 6; 4:16; S Marko 1:21). Respetá dor di Virgin Maria (S. Lukas 23:56). Wardá dor di e apòstelnan (Echonan 13: 14, 44; 17:2; 18:4). E lo wòrdu respetá den shelu (Isaias 66:22,23),
- No tin derecho pa efektuá kambionan. Dios ta inmutabel (Malakias 3:6). Hesus ta inmutabel (Hebreo 13:8). Ni hende ni institushonnan tin derecho na efektuá kambionan den e lei di Dios (S. Mateo 5:18,19; 15:6,9; Eklestias 3:14).
- E kristian mester sigui e ehempel di Hesus. Hesus a respetá e mandamentunan i a respetá e Sabat Santo(S. Lukas 4: 16). E berdadero kristian ta sigui Hesus den tur kos (1 Pedro 2:21; 1 Juan 2:6; 2:3; S. Huan 14: 15).

## E DIA DI SEÑOR

E título di "Señor" ta korespondé legitimamente na e dia di Sabat (Rev. 1: 10; 5, Mateo 12:8). E Sabat ta un rekordatorio di e poder kreador di Dios. Atrabes di e siglonan e Sabat a okupá e di shete dia den siman. Beibel ta identifká e dia aki komo e di shete den vários tekstonan (Eksodo 16:26; 20:8-11; 35: 2; Levitiko 23:3; Ezekiel 46: 1 S. Lukas 13: 14). "Sabat den e lenga hebreo ta nifiká deskanso, i ta e di shete dia di siman" (Dikshonario teológiko de Buck).

## DIADOMINGOU NO TA DIA DI REPOSO

Den tètament nobo e ekspreshon "promé dia di siman" ta aparesé ocho biaha refiriendo na e diadomingu (S. Mateo 28: 1; S. Marko 16: 2, 9; S. Lukas 24: 1; S. Huan 20: 1,19; Echonan 20:7; 1 Kor. 16:2). Tur biaha e nòmber "prome dia di siman" ta wòrdu duná na dje, sin dun'é signifkado religioso. Al kontrario 59 biaha e ta referí na e diasabra, usando e palabra "SABBATON", kual ta nifiká reposo. "Bo por lesa e Beibel desde Génesis te na Revelashon i lo bo no haña un solo regel ku ta outorisá santifikashon di diadomingu. E skrituranan ta papia di e opservansia religioso di diasabra, dia den kual nos hamas ta santifiká" (Cardenal Gibbons, Fe di nos tatanan , pag. 98, New York, 1928).

## KON E KAMBIO A WORDU HASI

Beibel ta bisa adelantá di atentadonan grave kontra e lei di Dios (Daniel 7:25; 8:12). Asina mes e apostelnan ta prevení e kristiannan riba apostasia i introdukshon di hendenan kuno tin kunen den iglesia (Echonan 20:28,30; 2 Tesalonisense 2:3,4; Romanos 1:25). E cambio no a wòrdu hasí dor di Kristu òf e apostelnan, sino ku el a wòrdu hasí poko poko den un iglesia ku a apartá di e prinsipianan eterno di e lei di Dios. A drenta e iglesia ku no tabata totalmente konbertí, kualnan tabata adorá e solo, i nan kultu tabata tuma lugar riba e promé dia di siman. E dekreto di Constantino ta bisa: "Tur e huesnan deskansá, tur kos di e siudatnan i trabounan di tur arte, riba e dia venerabel di solo". Neander, profesor notabel di historia Eklestiasitiko di Berlin ta deklará: "E fiesta di diadomingu, manera tur otro fiesta, no tabata nada mas ku un ordenansa humano; e apòstelnan no a soña di e establese un mandamento divino na su respekto, manera tampoko e iglesia Apostóliko primitivo pa trasladá e preskripshonnan di diasabra pa diadomingu". Dios hamas lo por aprobá e kambionan aki, Señor Hesus a reprochá severamente esnan ku tabata interponé e siñansanan humano na lugar di esnan divino (Salmo 89:33,34; 5, Mateo 15:3,9).

## E SEYO DI DIOS

Dios a establese pruebanan di obediensia i lealtat pa determiná kennan ta su yunan fiel, Den Eden, tabata e palu di konosemento di bon i malo. Awor, Señor tin un seyo, mediante kual e ta konosé ken ta su yunan (2 Timoteo 2: 19). Ku e seyo aki lo e señalá òf seya Su yunan (Rev 7:2,3), E seyo aki ta wòrdu enkontra den e lei di Dios (Isaias 8:16). Pa un seyo por ta válido e mester tin tres karakteristiká; Nòmber, Kargo i Huridikshon, si nos eksaminá e mandamentunan di e lei di Dios, nos lo haña e karakteristikanan aki den e di kuater mandamentu, kual ta ordená pa respetá e dia di sabat. P'esei, santifiká e diasabra ta un señal entre Dios i Su yunan (Ezekiel 20:12,20)





FE DI HESUS



LOKE BEIBEL TA SIÑA ASERKA DI

KON PA WARDÁ  
E DIA DI DESKANSO

**E FORMA KOREKTO DI RESPETA E SABAT**

12

1. Kiko Dios a hasi ku e sabat? (Génesis 2:1-3)
2. Riba kua dia e preparativonan mester wòrdu hasí? (Eksodo 16:22,23)
3. Ki ora sabat ta kuminsá? (Levítico 23: 32)
4. Di kiko hende mester apstené su mes riba dia di sabat? (Eksodo 20:10)
5. Unda bo tin di asistí riba dia di sabat? (S. Lukas 4:16)
6. Kiko por wòrdu hasí riba sabat? (S. Mateo 12:12)

**BENDISHONAN PA ESNAN KU OBEDESE DIOS**

7. Ki promesa Dios ta hasi esnan ku ta fiel? (Salmo 37:25)
8. Ki protekshon Dios lo brinda esnan ku obedes'E? (Deut.11:13-15)

**KIKO MI TIN DI HASI?**

1. Obedes'E fielmente loke Dios manda (Santiago 4: 17)
2. Konfia plenamente den Hesus (Filipense 4:13)

**MI RESOLUSHON:**

Mi ta disidí di warda fielmente  
e dia sabat, siguiendo e  
ehèmpel di Hesus.

\_\_\_\_\_

Mi ta Aseptá

Kalifikashon:

\_\_\_\_\_

Instruktor:

\_\_\_\_\_

SETI

- E forma pa respetá e diasabra. Dios ta rekerí pa stòp ku tur trabou regular (Eksodo 20:8.11; 31: 13-18; 34:21). Nos no mester kumpra ni bende (Nehemias 10:31; 13:15-20). Loke ta mas indiká pa hasi ta pa asisti na un kulto religioso (Levitiko 26:2; Hebreo 10:25; S. Lukas 4: 16; Echo 17:2). Tambe ta bon pa realisá bon obranan (S. Markos 3: 4; S. Mateo 12: 12).
- Dios ta yuda esnan ku obedes'E. Ta nesesario pa kumpli e boluntad di Dios (S. Mateo 7:21). Mester obedesé tur loke Dios manda (Santiago 2: 10). Motibu di e obediensia mester ta amor (5. Huan 14: 15). Ora nos warda e sabat nos lo risibí e bendishonnan priminti (Deuteronomio 11 :26,27; Isaías 41: 10; Salmo 37: 25; Isaías 58: 13,14).

## RESTOURASHON DIE SABAT

A kousa di e apostasia di e iglesia kristian, sabat a wòrdu kambia pa e "dia venerabel di solo", esta e diadomingu. Pero e Beibel Santu a bisa di padilanti ku e opservansia di e mandamentu santu lo wòrdu restourá pa un pueblo ku lo wòrdu yamá "drechadoman di porta" (Isaías 58:12,13). E pueblo aki a "warda e mandamentunan di Dios" (Rev. 12:17; Isaías 66:23). P'esei e iglesia Adventista di shete dia, ta respetá e dia di Señor. Tur sabat, den tur skina di mundu, miones di personanan ta reuní pa alabá i adorá Dios.

## E KULTO DI SABAT

E parti sentral di e selebrashon di e sabat ta wòrdu konstituí den e kulto di adorashon na Dios. E ta wòrdu selebrá durante oranan di mainta i ta un skol pa e studiamentu di e Beibel Santu. Despues ta sigui ku un kulto den forma di predikashi tresé pa un ministro òf un laiko. E fielnan ta partisipá aktivamente pa medio di kanto, orashon, lektura di e Beibel i e ofrendanan. E parti atardi ta wòrdu dediká na deskanso, lektura, meditashon, aktividat mishonero i un reunion dediká na e hóbennan. "E dia di Señor no ta dia di fiesta, pa divershon di mundu i vanidatnan, sino un dia di delisia, esaki ta un dia presioso pa nos, agradabel na Dios i propio pa skucha i lesa su palabranan, i hasi bon obranan" (Mons. Juan Straubinger, Comentario a Isaías 58:13)

## KUA TA E BERDAT?

Siendo ku tanto miones di kristian ta santifiká e diadomingo, hopi ta puntra; "Ken tin e berdát?" Un tin nada mas facil di resolvé. Nos mester puntra nos mes ku apsoluto sinseridat; "Kua ta e berdát?" Despues, ora nos deskubrí esaki den e Beibel, nos mester obedesé esaki fielmente. Nos sabi ku e Beibel ta kontené e berdát (S. Huan 17: 17). E Beibel ta estableseé komo úniko dia di deskanso e diasabra. I "e palabra di Dios ta permanesé pa semper" (Isaías 40:8). Hesus ta e revelashon mas puru di e berdát. Su mishon tabata di duna tètimonio na e berdát (S. Huan 18:37). I Hesus a warda únikamente e dia di Sabat. El a siña nos ku nos mester sigui su ehèmpel (5. Huan 13: 15,17). "Hesu-Kristu ta e mésun ayera, i awe i pa siglonan" (Hebreo 13:81). E lei di Dios ta e berdát (Salmo 119: 142). Den e lei ta wòrdu spesifiká klaramente e santidat di e dia di sabat. I e mandamentunan a wòrdu estableseé, pa semper (Salmo 119: 152). Dios, e fuente supremo di e berdát, Hesus e Beibel i e lei, eksponentenan di e berdát, ta siña definidamente e santidat di e sabat. Kiko nos lo hasi? Mare nos por bisa: "Ma skohe e kaminda di e berdát" (Salmo 119:30).

## PAKIKO MI TA WARDÁ E SABAT?

Si algun hende puntra nos: "Pakiko bo ta respetá e diasabra? Nos lo por duné seis rason inkontrovertibel. **1)** Pasobra mi ta kere ku tin un dia di Señor, e sabat- (S. Marko 2: 27,28). **2)** Mi kier ta un kristian di berdát. Pa ta asina mi mester sigui den e pasonan di Hesus (1 Pedro 2:21) Hesus a respetá e diasabra, i a bisa ku e no a bini pa kambia e mandamentunan (S. Mateo 5:17,18), por lo tanto, mi mester respet'é. **3)** Sigur ta ku si Kristu, e Birgen, i e apostelnan, tabata awe riba e tera, nan lo warda fielmente e sabat (Hebreo 13:8). **4)** Mi kier ta un yu fiel di Dios, i ta E ta esun ku a krea e sabat. **5)** Mi ta kere den e Beibel e ta esun ku ta bisa mi ku e diasabra ta e dia santu. **6)** Mi kier ta ku Hesus den shelu. Einan tambe e sabat lo wòrdu wardá (Isaías 66:22,23).

## ILUSTRASHON

Un miembro di iglesia a fria i a stòp di bai misa riba sabat. E pastor a bishit'é i a hañ'é sintá dilanti kandela. Sin bis'é ningun palabra, e pastor a saka un karbon i poné apart te ora esaki a paga. E ruman a bisa; "Bo no mester bisa mi nada, sabat lo mi ta na misa."





FE DI HESUS



LOKE BEIBEL TA SIÑA ASERKA DI

# MORTO

## E BIDA

1. Ken a krea hende i kon e ta hasi'é?

(Génesis 1:27;2:7)

## MORTO

2. Kiko ta morto?

(Ekleziastes 12:7)

3. Ku kiko Hesus ta kompará morto?

(S. Huan 11:11,13)

4. E morto sabi di algu?

(Ekleziastes 9:5,6)

5. Kiko ta pasa ku e alma?

(Ezekiel 18:4)

6. Nos mester konsultá ku e mortonan?

(Deut.18:10,11)

## KIKO MI TIN DI HASI?

1. Konsolá mi mes den e speransa di e resurèkshon

(1 Tes. 4:13-18)

2. Kere den Hesus

(S. Huan 11:25)

3. Perseverá te ora bo logra e inmortalidat ku  
Dios lo duna nos

(Romanos 2:7)

## MI RESOLUSHON:

Mi ta konfia den e maravioso  
promesanan di Dios. Mi ta  
entrega mi bida na Hesus pa  
optené bida eterno.

Mi ta Aseptá

Kalifikashon:

Instruktor:

- Morto ta e paramento total di bida. Morto ta un bolbementu bèk na stòf (Eklestias 3:20). Bo no ta gosa ni sufrí mas. (Eklestias 9:5,6). Bo ta stòp di ta (Salmo 104:29). E pensamentunan ta kaba (Salmo 146:4). E no ta partisipa mas di e preokupashonnan di e bibunan (Job 14:21; Salmo 6:5).
- INMORTALIDAT. Solamente Dios ta inmortal (1 Timoteo 1:17; 6:15,16). Hende ta pa naturalesa un ser mortal (Isaias 51:12). Su karni ta mortal (2 Kor. 4:11). E alma tambe ta mortal (Ezekiel 18:4). E immortalidat lo wòrdu duná despues di e resurekshon (1 Kor. 15:52-55).
- Kristu, e speransa di bida. Kristo ta primintí di duna bida etèrno (S. Huan 10:27,28). Kristu ta kita e morto i saka e lus di bida (2 Timoteo 1: 10). Hesus tin e yabinan di fièrnu i di morto (Rev. 1: 18).

## BIDA I MORTO

"Si hende muri, lo e bolbe biba?" (Job 14: 14). Esaki ta e pregunta ku ta preokupá e ser humano. Afortunadamente, Dios den su amor a duna un respuesta amplio den su Santu Palabra. E ta splika ku e bida ta asosyashon di dos elemento; E stòf i e aliento di bida (spiritu) ku ta bini di Dios (Génesis 2:7). Morto ta e proseso kontrario: E stòf ta bolbe na tera i e aliento di bida òf prinsipio vital duná dor di Dios, ta regresá na Dios (Eklestias 12:7). E kousa real di morto ta piká (Romanos 6: 23). Piká a pasa na tur hende i p'esei tur mester muri (Romanonan 5:12).

## UNDA E MORTONAN TABAI?

Segun Beibel, e mortonan ta bai den graf, unda nan ta drumi te na regreso di nos Señor Hesu-Kristu. E palabra fièrnu ta nifiká simplemente "graf", pero no un lugar di sufrimentu etèrno. Den Beibel purgatorio no ta wòrdu mensioná. Tampoko e ta bisa ku e mortonan ta bai shelu, pues e rekompensa ta wòrdu duná na e hustunan ora nos Señor-Hesus bolbe i e resurekshon tuma lugar.

## NOS POR KOMUNIKA KU E MORTONAN?

Den nan desesperashon, hopi hende ta perkurá pa establese relashonnan ku nan sernan stimá ku ta morto. Pero Beibel ta masha kla ora e ta siña ku e mortonan no sabi nada (Eklestias 9:5,6). Por lo tanto, nan no por komuniká ku nos, ni nos ku nan. Nos mester rekordá ku e promé mentira di Satanás tabata referi na e mèsun asunto aki. Dios a bisa Adam ku si e poka lo e muri, pero Satanás a bis'é "Lo bo no muri" (Génesis 3:4). Satanás ta sigui trata di gaña hende enkuanto e morto, i ta tratando den sostené su mentira original. E por hasi esaki fásilmente pasobra e ta "disfrasa su mes den angel di lus" (2 Kor. 11: 14). E Demonionan tambe ta kapas di parse den forma di e hendenan morto (2 Kor. 11: 15). Hopi di e fenómeno aparentemente inekspikabel òf sorprendente ta wòrdu provoká pa e spiritunan di e demonionan, ku ta hasi señal (Rev. 16: 14). P'esei ta wòrdu bisá na nos; "Stimánan, no kere den tur spiritu, ma purba si e spiritunan ta di Dios" (1 Huan 4: 1). Dios den e Beibel ta kondená terminantemente kualkier práktika okultista òf spiritista (Levítico 19: 31; 20:27; Isaias 8: 19).

## SPERANSA MARAVIOSO

- 1) MORTO TA UN SOÑO. Méskos ku despues di un dia duru di trabou ta bini e soño, di e mèsun manera despues di un bida largu i yen di trabou, Dios ta konsedé nos un soño di deskanso meresí (S. Huan 11:11-14).
- 2) RESUREKSHON. Morto no ta e fin di tur kos. E despedida ku ta wòrdu tumá di e ser kerí ku ta bai no ta definitivamente, e ta simplemente un "soño largu". Den Beibel, den hopi lugar ta wòrdu papiá di e bendito speransa di resurekshon (Isaias 26: 19; 1 Tes. 4: 16; S. Huan 6:40).
- 3) TRANSFORMASHON. Na momentu di resurekshon lo bo poseé un kurpa nobo, un mente nobo i un personalidat nobo (1 Kor. 15:42-44,51-56; Filipense 3:20,21). personalidat nobo (1 Kor. 15:42-44,51-56; Filipense 3:20,21).
- 4) LO NO TIN MAS MORTO. Manera lo sosodé ku tur e otro desgrasianan ku piká a trese, Dios lo eliminá morto pa semper. Ora nos reuní ku nos sernan kerí, nos lo hasi esaki ku e pleno seguridat ku nunca mas nos lo mester bisa otro ayó ni lo tin separashon (Isaias 25:8; S. -Lukas 20:36). E speransa maravioso aki mester fortalese nos fe den e promesanan di nos Dios. Ora un ser kerí muri, nos lo sinti e tristesa natural, pero nos yoramento lo no ta di desesperashon, pasobra "e hustu den su morto e tin speransa" (Provèrbio 14: 32).





LOKE BEIBEL TA SIÑA TOKANTE DI



4

# IGLESIA

## FUNDASHON I FUNDAMENTO

1. Ken a funda e iglesia kristian? (S. Mateo 16:16-18)

2. Ken ta e fundamento di e iglesia? (Efesionan 2: 20)

## ORGANISASHON DI E IGLESIA

3. Kennan ta e dirigentenan di e iglesia? (Efesionan 4: 11,12)

4. Kual ta e tripel mishon di e iglesia? (S. Mateo 4:23)

5. Kon e iglesia mester wòrdu goberná? (Echonan 6: 1-4)

## KARAKTERISTIKANAN DI E IGLESIA BERDADERO

6. Ki ehèmpel e iglesia mester sigui? (S. Huan 13:15)

7. Kua lo ta e norma di kondukta di e iglesia? (Rev. 12:17)

8. Ki donnan e iglesia lo poseé? (Rev. 19:10)

## KIKO MI TIN DI HASI?

1. Uni mi mes ku e iglesia berdadero (Echonan 2:41)

2. Permanesé fiel i firme (2 Pedro 1:10-12)

## MI RESOLUSHON:

Mi ta kere ku Hesus a funda e Iglesia. Mi ta deseá pa uni ku e iglesia i ta fiel te na fin.

Mi ta Aseptá

Kalifikashon:

Instruktor:

LES

- Kristo, e fundeshi. Kristo ta e berdadero fundeshi di e iglesia (Efesio 2:20). Ningun hende por pone otro fundeshi (1 Kor. 3: 11).
- Iglesia i su dignatarionan. Kristo ta e kabes di e iglesia (Efesio 1 :22). Lista di e autoridatnan (Efesio 4:11,12). Kalifikashon di e ministronan (1 Tim. 3:1-7; Tito 1:7-9). E diakononan i nan kalifikashonnan (1 Tim. 3:8-13). E diakonisanan (1 Tim. 3:11). E miembronan ta yama un na otro, ruman (S. Mateo 23:8,9).
- Ritonan di e iglesia. 1) Boutismo pa inmershon (S. Mateo 3:13-17). 2). Santa Sena of Komunjon (1 Kor. 11 :23,29). 3) Labamentu di pia (S. Huan 13:4-17).4). Ponementu di mannan pa ordená e ministronan of diakononan (Echonan 6: 1.6).5) Ungimento di e enfermonan (Santiago 5: 14,15).6)E Santu matrimonio (S. Mateo 19:4-6).
- E mishon di e iglesia. Pa ta e kolumna i baluarte di e berdad (1 Tim. 3: 15). Pa ta puru i santu (Efesio 5:27). Pa prediká e evangelio (S. Mateo 24: 14).

## E IGLESIA KRISTIAN

E iglesia a wòrdu fundá dor di Hesus. Kende ta e "roka" riba kual e iglesia mester wòrdu fundá? No tabata Pedro, komo su nòmber, Petros, ta nifiká piedra. Sinembargo e Iglesia lo mester a wòrdu fundá riba e "Petra", kual ta nifiká, Baranka. E Iglesia a wòrdu fundá riba Kristo mes. E palabra Iglesia ta bini di e palabra griego Eklesia, ku ta nifiká; "Asamblea of kongregashon". Ta un kohuntu di ser humano ku ta kere i obedesé Hesus i Su dòktrina.

## E GRAN DRAMA DI E IGLESIA.

Durante e prome siglo e iglesia a mantené su mes fiel na e dòktrina genuino di Hesus. Sinembargo, eronan grandi a keda introdusí, kualnan a yama atenshon di e apòstelnan seriamente (Romanonan 1:21,22,25; 2 Pedro 2:1,2; Tito 1 :14; Kolosense 2:8). E eronan tabata abarká doktrinanan prinsipal i tabata alterá e forma di gobièrno di e iglesia di tal manera ku "e berdad a wòrdu benta na suela" (Daniel 8:12). Tal situashon desaventurá lo dura 1260 aña (Daniel 7:25; Rev. 12:6,14; 13:5) o sea, desde aña 538 te na aña 1798.

## RESTOURASHON DI E BERDAT

Despues di e período largu ei di skuridat spiritual, e berdad a lanta gloriosamente pa ser prédiká den forma di un miensae tripel (Rev. 14:6-12).

## KARAKTERISTIKANAN DI E IGLESIA BERDADERO

E iglesia berdadero mester poseé e fe di Hesus (Rev. 14: 12). Lo e respetá e lei di Dios (Rev. 14: 12). E lo mester tin e manifestashon visibel di e Spiritu di Profesia (Rev. 19:10). Lo e respetá e dia Santu (diasabra) di Señor (Eksodo 20:8-11). E lo wòrdu guia den tur kos segun e Santu palabra di Dios ta bisa (2 Tim. 3: 16). E lo sostené un programa dinámiko i tripel di evangelismo (S. Mateo 4: 23). Lo e anunsia e huisio inminente (Rev. 14: 7). Lo e prediká ku poder aserka e segundo binida di Hesus (Tito 2: 13).

## E IGLESIA ATVENTISTA DI SHETE DIA

E iglesia Atventista a surgi den e momentu indiká pa e profesia i komo resultado di un estudio profundo di e Beibel Santu. E ta poseé e kuater karakteristikanan distintivo di un iglesia berdadero; 1) UNIDAT di dòktrina, ritonan i gobièrno (Efesionan 4.3.6). 2) SANTI DAT den bida i kondukta di su miembronan (1 Tes. 4:2-7) 3) UNIVERSALIDAT (S. Mateo 24: 14). 4) APOSTOLISIDAT (S. Hudas 3). E Iglesia Atventista ta desaroyá su apostolado den un fase tripel ku nos Señor Hesu-Kristo a ordená. Miles di ministro ta prediká e evangelio, na radio, televishon i dor di publikashon editá den mas di 50 kas editora. Den kampo di enseñansa e iglesia ta sostené mas ku 100 universidat, 500 kolegio sekundario, i 5000 skol primaria. Konserniente na e salú, e iglesia ta mantené 155 hospital i sanatorio: ademá sentenares di lanchanan, klinikanan i avionnan. E autoridatnan di e iglesia ta esnan indiká den e Beibel Santu. E Iglesia ta wòrdu goberná ku e konseho di tur su miembronan, manera tabata wòrdu hasí den tempu di e apòstelnan. E iglesia ta praktiká tur e ritonan preskribí dor di nos Señor Hesu-Kristo i e santu apòstelnan. E iglesia Atventista e restaurá e berdadan etèrno di e evangelio. E Beibel Santu, e siñansanan di nos Señor Hesu-Kristo i e santu apòstelnan, i e lei di Dios, ta e norma di kondukta di e iglesia i e kreyentenan. E iglesia Atventista ta e kontinuashon històrico di e pueblo permanente ku Dios tin komo pregonero di e berdad. E ta sostené ku e dòktrinanan kristian mester wòrdu praktiká den tur aspekto di bida.





LOKE BEIBEL TA SIÑA ASERKA DI

# E DON PROFETIKO

## E DON PROFETIKO

1. Na ken Dios ta revelá Su plannan?

(Amos 3:7)

2. Kon Dios ta komuniká su mes ku e profeta?

(Numbernan 12:6)

3. Hende muhé por ta profeta?

(Joel 2:28)

## E DON PROFETIKO DEN E IGLESIA BERDADERO

4. E iglesia primitivo tabatin profeta?

(1 Korintio 12:28)

5. Kiko a wòrdu predesí enkuanto e don profétiko den e iglesia berdadero?

(Rev. 12:17;19:10)

6. E promesa di e don profétiko a kumpli den e iglesia Adventista den e persona di Sra. Elena G. de White. (Mira e komentario)

## KIKO MI TIN KU HASI?

1. Apresiá e profesianan

(1 Tes. 5:20)

2. Ta atento na e profesianan

(2 Pedro 1:19)

3. Kere den e profetanen

(2 Kronika 20:20)

## MI RESOLUSHON:

Mi ta aseptá e maravioso don di profesia otorgá dor di Dios na Su Iglesia.

Mi ta Aseptá

Kalifikashon:

Instruktor:

E don di profesia. E profeta ta elegí dor di Dios (Deuteronomio 18: 15). E ta papia e palabra di Dios (Deuteronomio 18: 18). E ta risibí e revelashonnan dor di soñonan i vishonnan (Joel 2: 28; Salmo 89: 19; Job 33: 14-16; Ezekiel 1: 1). E vishonnan ta wòrdu akompañá pa fenomenonan fisiko notabel; a) Perdida di forsa (Daniel 10:8,17). b) Inkonsiente (Daniel 10:9). c) Ousensia di respirashon (Daniel 10:17). d) E wowonan di e berdadero profeta (Numero 24:3,4). e) E ta risibí forsa sobrehumano (Daniel 10:18). E don di profesia den e muher. E don di profesia a wòrdu konsedé na hopi muhernan nobel: Maria (Eksodo 15:20). Debora (Huesnan 4:4). Hulda (2 Reinan 22:14). Noadias (Nehemias 6: 14). Ana (S. Lukas 2:36). E kuater yu muhernan di Felipe (Echo 21 :8,9) Pruebanan di e berdadero profeta. Dios ta spièrta hende tokante profetanen falsu (1 Huan 4:1; S. Mateo 7: 15; 24:24). Karakteristikanan di e profeta berdadero: a) e ta papia di akuerdo ku e lei i e testimonio (Isaías 8:20). b) su predikshonnan ta kumplí (Yeremias 28:9). c) e no ta hiba e pueblo na apostasia (Deuteronomio 13: 1-3). d) e ta deklará loke Dios ta inspiré i no ta papia di su mes (Yeremias 14:14). e) e ta reprochá piká (Yeremias 23:22).

## ELENA G. DE WHITE - BIDAI ESKRITONAN

E Iglesia Adventista di Shete dia a konta ku e Spiritu di Profesia den persona di Elena G. de White. El a nasé na Gorham, Estado di Maine, Estados Unidos, 26 di novèmber 1827. Su mayornan tabata Roberto i Eunice Harmon. Poko añanan despues e famia a muda pa Portland. Na edat di nuebe aña el a wòrdu heridá ku un piedra tirá dor di un amigu di skol. E aksidente aki kasi a kosta su vida. El a permanesé inkonsiente pa tres siman i mester a stòp di bai skol. Na aña 1840, na edat di diesdos aña el a entregá su kurason na Dios i a wòrdu boutisá pa un minister metodista. Ku varios miembronan di su famia, Elena a asisti na algun reunionnan di e iglesia Adventista na Portland, i na 1842 e ta aseptá plenamente e dòktrinan, i asina ku na 1843 el a wòrdu borá di e bukinan di e iglesia metodista. Un mainta di desèmber 1844, mientras e tabata reuní ku otro personanan pa orashon, el a haña su prome vishon, den kual e ta mira e biahe di e pueblo Adventista pa e siudat di Dios. El a relatá e vishon na e kreyentenan di Portland, kendenan a asept'é komo un lus di Dios. Despues el a realisá un serie di biahenan pa relatá e vishon ei i otronan i alabes pa lucha kontra movimentunan fanátiko kualnan tabata lucha pa drenta i kontaminá e grupo di kreyentenan. Den un biahe na Orrington, Maine, el a konosé e hoben predikador Adventista Haime White, ku kende el a kasa na fin di ougùstùs di aña 1846. Nan a haña kuater yu homber. Na ougùstùs di aña 1881 pastor Haime White a fayesé. Haime i Elena a studia detenidamente un foyeto di pastor Jose Bates titula "E DESKANSO DI E DI SHETE DIA". Nan a aseptá e berdat di e diasabra, i dia 7 di aprel 1847 a wòrdu mustrá na dje dor di un vishon den kual el a mira e lei di Dios ku un lus ku tabata resplandesé riba e di kuater mandamentu.

## E VISHONNAN

Miles di persona tabatin e oportunidat di mira sra. White den vishon. Den dje e mésun fenomenonan deskribí den e Beibel respekto na e profetanen di antiguedat tabata wòrdu manifestá. Den un di su vishonnan, e ta tuma un Beibel grandi i pisá di kasi 9 kilo i a mantené esaki den laria pa mei ora; ora hòmbenan fuerte a purba di hasi meskos, nan a dura solamente algun minüt. Den su vishonnan e tabata wòrdu transportá pa otro paisnan, ku despues e ta rekonosé den su biahenan. Un di su vishonnan mas importante tabata esun di e "gran konflikto entre e bon i e malo". El a haña esaki na mart di 1858 na Ohio. Otro vishon tabata unu aserka di salú. Debí na e vishon ei, e iglesia a kuminsá na duna importansia na e temperansia i na e obra médiko. Den total el a haña 2000 soño i vishonnan ku revelashonnan enkuanto tur e aspektonan di e berdat i e organisashon di e iglesia.

**MISHONERO.** Huntu ku su kasá el a biaha dor di Estados Unidos predikando, yudando den e organisashon di e iglesia i luchando kontra diverso problemanan i foutnan. Desde 1885 te ku 1887 e tabata na Europa. Na 1891 ela bai Australia, unda e ta yuda na fortifiká i establese e obra.

**ESKRITORA.** Ela skirbi miles di páginanan i alrededor di 45 buki importante. Den e prinsipalnan por wòrdu haña: Kaminda na Kristo. E Konflikto di siglonan, Deseado di tur Hende, Patriarka i Profeta, E edukashon, E ministerio di kurashon i otronan.



LOKE BEIBEL TA SIÑA ASERKA DI



# E NORMANAN DI IGLESIA

## E KURPA TA TEMPEL DI DIOS

1. Kon Dios ta konsiderá e kurpa humano? (1 Korintio 6:19,20)

2. Den ki dos aspekto di salú Dios ta interesá? (3 Huan 2)

## PRINSIPIONAN DI SALU

3. Kual ta e prinsipio básiko den alimentashon? (1 Korintio 10:31)

4. Kua karninan ta kombiniente? (Levitiko 11: 3-20)

5. Pakiko nos ta apstené di bebidanan alkohóliko? (Proverbio 20:1)

6. Pakiko no ta kombiniente pa usa tabako, kòfi i otro bibidanan stimulante? (1 Korintio 3:16,17)

## NORMANAN DI BIDA

7. Kon e areglo personal mester ta? (1 Timoteonan 2:9,10)

8. Pakiko nos no ta asistí na espektakulonan inkonbiniente? (1 Pedro 2:21)

## KIKO MI TIN KU HASI?

1. Prokurá pa biba un bida kristian perfekto (S. Mateo 5:48)

2. Sigui den tur kos e ehèmpel di Hesus (1 Huan 2:6)

## MI RESOLUSHON:

Mi ta kere ku mi kurpa ta tèm-  
pel di Spiritu Santu. Pesei lo mi  
apstené mi mes di tur alimento  
impuru.

Mi ta Aseptá

Kalifikashon:

Instruktor:



- Iglesia puru i sin mancha. Nos ta linahe skohí (1 Pedro 2:9). E kristian ta den mundu pero no ta di e mundu (1 Huan 2:15,16,17; Santiago 4:4). E iglesia mester ta santu i sin mancha (Efesio 5:25-27). E mester ta un ehèmpel pa e mundu (S. Mateo 5:16). E mester apstené su mes di e malo (1 Kor. 9:25-27).
- Kristianismo dinámiko. E kristian ta integrá (Salmo 15:1-5). E ta honesto den su transakshonnan komersial (Proverbio 20: 10). Su pensamentunan ta elevá (Filipense 4: 8). E ta tene kuido ku su palabranan (Efesio 4:25,29). Evitá e frutanan di e karni i praktiká esnan di e spiritu (Galationan 5:19-26).
- Modestía kristian. Ta wòrdu rekomendá pa ta modesto (1 Tim. 2:9,10). Evitá adornonan eksterior (Isaias 3:18-23; Génesis 35:1-4; Yeremias 4:30). E berdadero hermosura ta bini di un bida konsagrà na Dios (Proverbio 31 :30).

## KRISTIANI E SALU

Ora nos rindi kultu na Dios nos ta hasi esaki ku nos spiritu i kurpa. Por lo tanto tur dos mester ta irreprensibel (1 Tes. 5:23). Pa e otro parti, Dios ta konsiderá nos kurpanan manera un tèmpel (1 Kor. 6:19). Kualke atentado kontra e salú di e kurpa ta un piká grave dilanti Dios (1 Kor. 3:16,17). "Nos kurpanan mester wòrdu mantené den e mehor kondishon físiko i bou di e influensia mas spiritual. . . Esnan ku ta hasi nan bida kòrtiko dor di deskuidá e leinan di naturalesa, ta hortando Dios" (Elena G. de White, La Educación, pag. 41). Un prinsipio destaká den bida di un kristian ta temperansia (Lukas 21 :34).

## E USO DI KARNI

No tabata e plan di Dios pa kome karni. E régimen duná dor di Señor tabata unu natural (Génesis 1 :29). A wòrdu duná un pèmit provishonal pa kome karni pa motibo di e diluvio (Génesis 9: 3). Siendo ku hende a kustumbrá ku e régimen di kome karni, Dios a indiká den forma espesífiko e karninan inkonbiniente. Tal indikashonnan ta wòrdu enkontrá den e buki di Levítico kap. 11. Por lo general e preskripsionnan ta e siguientenan: Karni; Di e bestianan ku tin pata fundí i ta hèrkou por wòrdu komé. Si un òf tur dos di e karakteristikanan aki falta anto karni di tal animal no por komé. Piska; (òf bestia di awa) Tur esnan ku tin ala i skama por wòrdu komé. Paranan; Paranan ladrón i paranan nokturno ta esnan ku no por wòrdu komé. Beibel ta prohibí i tèrminantemente e uso di sanger komo alimento (Levítico 17:13,14).

## ALKOHOL I TABAKO

E skrituranan Santu ta rekomendá apstension total di bebیدanan alkohóliko (Prov. 23:20; 20: 1; Isaias 28:7; S. Lukas 1: 15; 1 Kor. 6: 10; Efesio 5: 18). Tabako no tabata konosí den tempo bíbliko. E ta originá na Merka. Sinembargo su uso ta propagá den henter mundu. Tanto hende hòmber komo hende muher, e hubentut i e muchanan ta kai den e trampa di e visio aki. Kada sigaria ta kontené alrededor di 35 veneno. E siensia médiko ta advertí enkontra di e teribel efektonan di tabako. Nan ta afekta e arterianan ku ta nutri e kurason, e pulmonnan, e olfato, e stoma i e bista. Ta komprobá e relashon di kustumber di huma ku e oumento di kanser. Tur esun ku ta deseá di ta un bon yu di Dios, mester limpia su mes di e visio teribel aki (2 Tim. 2:21). Kòfi i e tambe ta kontené droga i venenonan.

## HESUS, NOS EHEMPEL I NOS FORSA

E bida kristian ta un lucha konstante. E sekreto di e triunfo ta konsistí den sigui e pasonan di Hesus (1 Pedro 2:21). E ta rekerí spiritu di sakrifisio (S. Lukas 9:23; 1 Kor. 9:26,27) renunsiamento na kosnan indebí (Tito 2: 12,13). Mester tin un reforma di e hábitonan (Romano 12:2).

## ILUSTRASHONAN

Un famoso eskritor a bisa; "Pa stòp di huma ta masha facil; ami a stòp mas di shen biaha". Pa hende ta kasi imposibel pa e libra su mes di e bisio ei. Sinembargo, Dios por fortalese e boluntat te ora e persona optene e viktoria kompleto. Un alkohóliko a konta su famia un soño intrankilizador ku el a haña. El a mira tres djaka; un gordo, un flaku i e otro siegu. E yui mas chikitu hasiendo su mes manera e Daniel moderno a interpretá e soño : " E djaka gordo ta e doño di e Bar ku ta keda ku tur bo sèn; e djaka flaku ta nos ku no tin nada pa kome; i e djaka siegu ta papa ku ta matando su mes i matando nos, a kousa di e bisio di e bebida"



FE DI HESUS



LOKE BEIBEL TA SIÑA ASERKA DI

## BOUTISMO

### E BERDADERO BOUTISMO

1. Ken a manda pa boutisá? (S. Mateo 28:18-20)
2. Kua ta e forma korekto pa boutisá? (S. Mateo 3:13-16)
3. Boutismo ta indispensabel pa ta salbá? (S. Mateo 16:16)

### RESULTADO MARABIOSO DI BOUTISMO

4. Kua dos bendishonnan maravioso bo por risibí ku boutismo? (Echonan 2:38)
5. Na kua institushon divino esnan ku boutisá ta uni nan mes? (Echonan 2:41,42,47)
6. Ki glorioso eksperiensia esun ku a boutisá ta obtené? (Romanonan 6:4)

### KIKO MI TIN KU HASI?

1. Kere den Señor Hesus (Echonan 8: 37)
2. Bandoná piká (Romanonan 6:11-13)
3. Pidi pa wòrdu boutisá (Echonan 8:35-38)
4. Respondé na e yamada di Dios (Hebreonan 3:15)

### MI RESOLUSHON:

Mi ta kere den boutismo pa inmershon. Mi ta deseá di ta boutisá siguiendo e ehèmpel di Hesus.

\_\_\_\_\_ Mi ta Aseptá

Kalifikashon:

\_\_\_\_\_

Instruktor:

\_\_\_\_\_

## KIKO TA BOUTISMO?

E palabra boutismo ta bini di griego ku ta nifiká "hundi", "sumergi". Boutismo ta símbolo di morto na un bida di inkredulidat, i di e nasementu di un bida nobo den Kristo. E ta un rekordatorio di e morto i resurekshon di nos Señor Hesu-Kristo (Romanonan 6:3,4). Nos Señor Hesus, ouнке E no tabatin mester di boutismo, e la boutisá pa laga un ehèmpel atras pa nos (S. Huan 13:15). Nos ta wòrdu batisá pa indikashon di Hesus i den nòmber di e Santísima Trinidad (S. Mateo 28: 19).

## KEN POR WORDU BOUTISA?

Tur esnan ku kumpli ku e kondishonnan rekerí. Entre e kondishonnan ei ta wòrdu destaká; "Kere den Señor Hesus" (Echonan 8.36-38). Repentí di tur piká (Echo 2:38). Konfesá tur piká (Prov. 28:13). Konosé e dòktrina (5. Mateo 7:21). Pidi e Santo Boutismo (Echonan 8: 36). Aplikando e kondishonnan aki ta klaro ku un mucha chikí no por wòrdu batisá. Pero un menor ku ta komprendé e dòktrina por hasi esaki. Si nos a wòrdu batisá sin nos mes konsentimentu, sin un kompreshon kabal di tur e berdat, den un forma indebí, òf si nos a apartá di e berdat, Beibel ta outorisá un boutismo di nobo (Echo 19:1-5).

## FORMA DI BOUTISMO

Di akuerdo ku e nifikashon di e palabra, ku e kustumber di Hesus i e apòstelnan, i ku su simbolismo, e boutismo mester ta inmershon, es decir, kubri e persona henter bou di awa. Hesus, "a sali for di e awanan" (5, Mateo 3: 16). Juan tabata batisá unda tabatin "hopi awa" (S. Huan 3: 23). "Tur dos a desendé den e awa" (Echonan 8:38). Tin un solo boutismo berdadero (Efesonan 4: 51. Kardenal James Gibbons a bisa: "Pa algún siglo, despues di establecimiento di kristianismo, e boutismo a wòrdu konferí ordinariamente pa inmershon; pero desde siglo XII a prevalesé den e iglesia Katóliko e práktika di batisá pa infushon' . . ." (E fe di nos tatanan). Mons. Juan Straubinger, komentando un vèrs aserka di boutismo, e ta bisa; "E ta referí na e boutismo di e promé kristiannan, kualnan tabata wòrdu batisá sumergiendo kompletamente bou di awa. Meskos ku Kristo a wòrdu derá na su morto, nos ta wòrdu batisá sumergiendo kompletamente bou di e awa. Meskos ku Kristo a wòrdu derá na su morto, nos ta wòrdu derá den awa di boutismo" (Testament Nobo pág. 614).

## RESULTADO DI BOUTISMO

Ora e rito aki wòrdu hasi ku sinseridat, e ta un testimonio públiko na e bida pekaminoso di pasado i di e nasementu di un bida nobo den Kristo. Pordon pa e pikanan di pasado ta wòrdu primintí i un midí abundante di e Spiritu Santu (Echonan 2:38). Ademas, esun boutisá ta yega di tin un relashon nobo ku Kristo (Galationan 3:27). E ta bira miembro di e iglesia di Kristo (Echonan 2:41).

## DESPUES DI BOUTISMO

Den e tumba líkido e bida pasá a keda deñá. Awor un bida nobo ta kuminsa (Romanonan 6: 4) Di awor pa dilanti e forma di bida mester kambia kompletamente (Efesio 4: 22-24). Normalmente, no mester tin mas piká (1 Huan 3:9). Awor bo mester kuida bo mes di malu, konfia den Dios i e maligno lo no mishi ku bo (1 Huan 5: 18). E gran obra di santifikashon ta kuminsá (Romano 6:22) Esaki ta konsistí den un perfekshonamento konstante di nos karáktar. E tarea aki ta dura henter e bida. No mester tin sosiego ni atraso (Prov. 4: 18). E sekreto di e santifikashon ta konsistí den un perfekto unión di nos Señor Hesus (S. Huan 15:4,5). Sin di' E nada nos por hasi, ku n'E nos por tur kos (Filipense 4: 13). Lo tin un lucha konstante ku e "hòmber bieu", kende nos mester "krusifiká", i permiti pa Kristo biba den nos (Galationan 2:20). Nos no mester desmayá hamas, sino perseverá te na fin (S. Mateo 24:13).

## ILUSTRASHONAN

Un tata a bisa ku e tin amor sin límite pa su yu. El a duné tur loke e tabata por; e tabata traha duru pa nada falt'é, inkluso un edukashon universitario. Pero el a lubidá loke ta mas importante: nunca ela papia ku su yu aserka di Dios, ni tampoko a invit'é pa e sigui Kristu. Awor e yui ta un adulto inkredulo. E tata ta yora pasobra e ta perdé su yu pa eternidat. E promé i mas importante ta pa hiba e muchanan na e konosementu di Hesus. Un pintor a inspirá den Rev. 3:20 ku ta bisa: "Ata mi ta pará na porta i ta bati . . ." Su kuadro a resultá masha bunita, pero un kritiko a bisa ku el a lubidá di pinta e man di e porta. E pintor a bisa: "Kristo solamente ta yamá, e porta mester wòrdu habrí di paden", Kristo ta yama nos tur. Ta nos privilegio pa habrí e portanan di nos bidanan.





FE DI HESUS



LOKE BEIBEL TA SIÑA ASERKA DI

**E PLAN DI DIOS PA  
E SOSTENIMIENTO DI E IGLESIA  
TUR KOS TA PERTENESE NA DIOS**

1. Na ken universo ta pertenesé? (Salmo 24:1)
2. Ki rikesanan enorme Dios ta poseé? (Hageo 2: 8)
3. Danki na ken nos ta optené nos biennan? (Deut. 8:17,18)

**E PARTI DI DIOS**

4. Ki parti di nos entradanan ta pertenesé na Dios? (Levitiko 27:30,32)
5. Di kuantu nos mester duna diesmo? (Génesis 28:20;22)
6. Pakiko e diesmo ta wòrdu usá? (1 Korintio 9: 13, 14)
7. Ki bendishon Dios ta primintí? (Malakias 3: 10)

**KIKO MITIN DI HASI?**

1. Ta un bon administrador di e biennan Dios (1 Pedro 4:10)
2. Ta sosio ku Dios (Proverbio 11:24,25)
3. Duna ku alegría (2 Korintio 9:6,7)

**M I R E S O L U S H O N :**

Mi kier ta sosio ku Dios. Mi ta primintí di duna ku alegría loke ta di Dios.

\_\_\_\_\_

Mi ta Aseptá

Kalifikashon:

\_\_\_\_\_

Instruktor:

\_\_\_\_\_

- Dios ta doño di tur kos. E ta doño di shelu i tera (Deuteronomio 10:14). E bestianan ta di dj'E (Salmo 50:10-12). Di Dios tur e rikesa ta (Hageo 2:8). Na Dios nos kurpanan i bida ta pertenesé. (1 Kor. 6:20).
- Nos ta mayordomonan di Dios. Señor kier pa nos aktua manera su mayordomonan (S. Mateo 25:24; Salmo 8:4-8). E ta duna nos e forsa pa nos akumulá rikesa (Deut. 8:18; Prov 10:22). Pero E ta bisa nos pa no tin amor pa plaka (1 Tim. 6:10). Nos mester ta mayordomonan fiel (1 Kor. 4: 1,2). Mester duna konforme e bendishonnan ku nos a risibí di Dios (Deut. 16: 17). Na unda nos tesoro ta, ei nos kurason lo ta (S. Lukas 12:33,34).

## KOLABORADORNAN KU DIOS

E hasidó tambe ta e gran proveedor. E ta duna nos bida, e sustento i e konosementu di e berdat. Komo demostrashon di Su amor, E ta hasi nos su kolaboradornan. Loke Dios pidi nos no ta pasobra e tin mester di dje, sino mas bien pa nos rekordá nos dependensia di dj'E i pa establese un sosiedat benefisioso pa nos.

## E DIESMO

E diesmo ta e di dies parti di nos ganashinan, i ta pertenesé na Dios (Levitiko 27: 30; 1 Kor. 29: 12,14). Abraham tabata duna Dios su diesmo (Génesis 14:20; Hebreo 7: 1-7). Jakob tambe tabata hasi esaki (Génesis 28:22). E tabata un práktika di e pueblo hebreo (2 Kronikas 31:5,6; Nehemias 10:37,38). Nos Señor Hesu-Kristu a aprobá e práktika aki (S. Mateo 23:23). "E sistema espesial di diesmo tabata wòrdu fundá den un prinsipio ku ta mes duradero ku e lei di Dios. E sistema di diesmo aki tabata un bendishon pa e Hudiunan; de lo kontrario Dios lo no a duna nan esaki. Asina tambe lo eta un bendishon pa esnan ku praktiká esaki te na fin di tempu" (Elena G. de White, Joyas de los testimonios, tomo 1, pág. 385)

## USO SAGRADO DI E DIESMO

E diesmo semper a wòrdu usá pa e sostenementu di e kulto i e ministranan (Número 18: 21). E siñansa bíbliko ta masha kla ku e ministernan mester wòrdu sostené ekonomikamente pa asina por dediká nan mes eksklusivamente pa ehersé e ministerio (1 Kor. 9: 13,14; S. Lukas 10:7). E iglesia Adventista ta usa e diesmo ku su miembronan ta duna generosamente pa prediká e evangelio i sostené e ministernan. Di e manera aki, kada sèn chikitu ta wòrdu usá den e obra di Dios. Di e forma aki un kadena di salbashon ta wòrdu formá; abo a konosé e berdat pasobra otronan tabata fiel den duna nan diesmo, awor abo ta kolaborá pa otronan tambe haña e mesun bendito privilegio.

## KON E DIESMO MESTER WORDU DUNA

Esnan ku tin kualkier klase di negoshi, ta duna e diesmo di nan ganashi. Kiemen ku si den un luna dreña \$10.000,00 den nan negoshi, mester deskonta e kosto di e merkansia, e gastunan di salario, huur, lus ets. Di loke keda komo ganashi nèto, e diesmo ta wòrdu duná. Esnan ku tin salario, siendo ku tur kos ta ganashi, nan ta duna e diesmo di e salario. E diesmo ta wòrdu duná na e iglesia ku bo ta asistí na dj'é. Pa esaki e iglesia tin un envelòp espesial unda bo por skirbi bo nòmber i e kantidat. E tesorero di e iglesia lo duna bo un resibu. E tesorero ta manda e diesmo na e ofisina sentral di e iglesia, i ei e ta wòrdu distribuí na tur teritorio.

## OTRO OFRENDANAN

E diesmo ta loke nos ta debolbé bèk na Dios pasobra e ta pertenesé na dj'E. Nos dadivosidat ta wòrdu midí dor di nos ofrendanan. E ofrendanan ku nos duna den Sabat Skol ta bai pa e proklamashon di e evangelio den mishonnan ekstranhero. E ofrendanan ku nos duna den Kultu Divino ta pa nos propio iglesia. Tin biaha nos ta duna ofrenda pa proyektonan espesial. E Beibel Santu ta rekomendá nos pa duna generosamente ora ta yega pa nos duna ofrenda. (1 Kronikas 16:29; Salmo 96:8; S. Marko 12:41-44).

## PROMESANAN MARAVIOSO DI DIOS

Esun ku ta doño di tur rikesa ta invitá nos pa duna i asina risibí e bendishonnan ku E ta kapas di deramá. P'esei E ta pidi nos pa duna den abundansia i ku alegría (2 Kor. 9:6,7). E ta primintí pa kuida nos den tur momentu (Hebreo 13:5,6). E ta sigurá nos ku nos por purb'E den su promesa di konsedé nos bendishonnan te ora nan sobreabundá (Malakias 3:10,11; Prov. 11: 24,25).



FE DI HESUS

LOKE BEIBEL TA SIÑA ASERKA DI

## E BIDA KRISTIAN

### BIDA NOBO

1. Ki kambio ta sosodé den e bida ora aseptá Hesus? (2 Korintio 5:17)

2. Ki eksperiensia nobo nos lo tin? (1 Tes. 5:23)

3. Kua ta e aktitut korekto dilanti e pruebanan? (1 Pedro 4: 12,13)

### BIDA DEBOSHONAL

4. Kua ta e alimento indispensabel di kada dia? (Deut.17:19)

5. Kon nos ta establese komunien ku Dios? (1 Pedro 4:7)

### BIDA DI ADORASHON

6. Ki dia ta dediká pa adorashon di Dios? (Isaias 58: 12-14)

7. Den ki lugar nos ta duna adorashon na Dios? (S. Lukas 4:16) ,

### BIDA DI TESTIMONIO KRISTIAN

8. Ki mishon transendental Dios a konfia na su yunan? (S. Mateo 24:14:28:19)

9. Ki preparashon esensial nos mester poseé? (1 Pedro 3:15)

### GUIANAN SPIRITUAL

10. Kennan ta nos guianan spiritual humano? (1 Tes. 5:12,13)

11. Ken ta nos guia supremo? (Kolosense 2:6,7)

### MI RESOLUSHON:

Ku e ayudo di Dios i siguiendo Hesus, mi ta pèrkurá di biba komo un kristian kabal.

\_\_\_\_\_

Mi ta Aseptá

Kalifikashon:

\_\_\_\_\_

Instruktor:

\_\_\_\_\_

LES

19



## BIDA SANTU

Ora nos entregá nos mes na Señor i uni ku Su iglesia, un bida nobo ta kuminsá. Lo mester tin kambio den nos kondukta, karakter i idealnan. Promé, nos promé interesnan tabata kosnan material, awor nos ta biba den e forma indiká pa Hesus: "Ma buska promé reino di Dios i su hustisia i tur e kosnan aki lo wòrdu duná na boso di mes" (S. Mateo 6:33). Nos tin nos dilanti e blanko elevá di ta santunan (1 Pedro 1: 15,16), pasobra esaki ta e boluntat di Dios pa nos bida (1 Tesalonisense 4:3-5).

## BIDA DEN E HOGAR

E bida nobo lo mester por wòrdu mirá den e hogar. E relashon entre e kasánan mester ta ku respèt, kompreshon i amor (Efesio 5:22-29). E edukashon di e yunan lo okupá e promé lugar di interés; e mayornan lo ta mayornan firme i sabí (Efesio 6:4). E yunan lo respondé obedesiendo ku alegria (Efesio 6:1).

## BIDA SOSIAL

E bida kristian no ta wòrdu ehersé solamente den iglesia, sino den tur lugar i momentu. E ta "un aventura emoshonante pa biba: manera Kristo. E Beibel ta rekomendá ku nos mester traha (2 Tesalonisense 3: 10-12). Enkuanto nos relashon ku otro, Kristo a establese e presioso regla di oro; tur loke nos kler pa otro hasi ku nos, nos mester hasi ku otro (S. Mateo 7:12). Ta wòrdu rekomendá pa tene hopi kuidou ku e lenga i ku e palabranan (S. Mateo 5:37; Kolosense 4:6). E autoridatnan meresé nos respèt i obediensia (1 Pedro 2: 13,14; Romano 13: 1-3), sin lubidá ku Dios ta riba tur kos (Echonan 5:29).

## BIDA SPIRITUAL

E bida spiritual ta privá pero tambe públiko; e último mensioná ta wòrdu desaroyá den e aktividatnan di e iglesia, kualnan a wòrdu planeá pa benefisiá, alimentá, animá i perfekshoná e fielnan. **1.** Kultonan prinsipal. a) Sabat Skol. Esaki ta wòrdu selebrá tur sabat mainta pa 9:15, i ta konsistí di un estudio sistemátiko di e Beibel. Kada miembro lo mester studia na kas tur dia un porshon di e lès asigná pa e siman ei. b) Kultu di adorashon. Esaki ta wòrdu selebrá despues di Sabat Skol, i ta konsistí den kantonan, lesamentu di Beibel i predikashi di un tema spiritual. E ta e kultu prinsipal, na kual tur e miembronan i amigunan ta asistí. c) Hubentut Atwentista. Esaki ta wòrdu selebrá sabat atardi, (òf djabièrne anochi) i ta un reunion spesial pa e hobennan i menornan. d) Reunion di evangelisashon. Esaki ta tuma lugar djadumingu anochi, i e berdatnan etérno di Hesus ta wòrdu prediká. e) Reunion di orashon. Esaki ta wòrdu tené riba djarason anochi i ta wòrdu dediká na estudio di e palabra i pa orashon. **2.** Outoridatnan di Iglesia. E dirigente enkargá pa e bienestar spiritual di e miembronan ta e pastor òf e anslano. E pastor ta wòrdu nombrá pa e mishon òf asosiashon, i por lo general e ta traha pa sierto iglesia pa dos òf sinku aña. Tur asunto di iglesia ta wòrdu disidí dor di e hunta di iglesia. **3.** Ofrendanan. E iglesia ta wòrdu sostené pa e miembronan, kendenan boluntariamente ta debolbé e diesmonan kualnan ta pertenesé na Dios, i e ofrendanan ku ta sirbi pa sostené e aktividatnan di e iglesia den mundu i den e ambito lokal. Un di e gran privilegionan pa ta un kristian ta esun di por duna generosamente pa e obra di Dios. **4.** Aktivitat Mishonero. Kada miembro di iglesia ta wòrdu yamá pa kolaborá den e sagrado i emoshonante tarea di duna di konosé na otro, e mensahe di salvashon. Dios a duna na kada persona donnan ku e por usa pa ganansia di almanan. Algunnan por prediká, otro por studia Beibel, otro por parti publikashonnan òf invitá nan amigunan pa e reunionnan. Entre e alegrianan mas profundo di bida ta esun di hiba otro na pia di Hesus. **5.** E Iglesia Universal. E Iglesia Atwentista a ekstendé su mes ront mundu. E ta kompletamente organisá pa kumpli ku e kometido enkargá dor di Hesus: Prediká e evangelio. **6.** E miembronan di iglesia ta yama nan mes i otro, i nan mes fe, ruman (S. Mateo 23:8). Un dor di e mesun fe i e mesun speransa, nan ta yuda otro mutuamente i ta stima otro ku un amor filial (manera di mucha) (Pedro 1:22).

## E TRIUNFO DI E IGLESIA

E iglesia ku awor ta traha i ta militá lo alkansá un glorioso triunfo. Esaki lo sosede ora Kristo bolbe pa segunda bes. E iglesia lo no ta liber di problemanan, peligernan i aun persekushon, pero Señor lo kuid'é i preserv'é te na fin (S. Mateo 28:20). Tur esnan ku ta mantené nan mes fiel na Dios i na su iglesia, lo triunfá ku n'E.



# FE DI HESUS



20

LES

LOKE BEIBEL TA SIÑA ASERKA DI

## EDUKASHON PA ETERNIDAT

1. Di kon ta importante sigui e konsehonan di Dios relashoná ku edukashon di nos yunan? Job 36:22

2. Kua tabata e método original di enseñansa ku Dios a usa? Gen. 2:15-17 ; Gen. 3:8-10

### EDUKASHON DI E YUNAN DESPUES KU PIKA A DRENTA

3. Biblikamente kon e tabata prome ku tabatin skolnan di iglesia? 2 Reinan 6:1-7

### E SKOL DI KRISTU DURANTE SU MINISTERIO

4. Kon e skol ku Kristu a dirigí durante su ministerio tabata? S. Mateo 4:18; 5:2

### E SKOLNAN DI AWENDIA

5. Ki diferensianan notabel tin entre edukashon kristian i esun popular? 1 Kor. 2:12; 1 Kor. 3:19

6. Ki peliger e studiantenan kristian ta enfrentá na kolegianan ku profesornan no kristian? 1 Tim. 6:20,21 Kolosensenan 2:8

7. Ki konseho ta wòrdu duná na mayornan tokante kon pa eduká nan yunan? Deuteronomio 6:5-9; Efesio 6:4

8. For di kiko nos mester kuida nos yunan? Huan 17:11,15,16

### E OPHETIVONAN DI EDUKASHON KRISTIAN

9. Kua ta e ophetivonan di Señor pa nos yunan? Isafas 54:13; Isafas 49:25

### KIKO MI MESTER HASI?

1. Instruí nos yunan den Señor.

Prov. 22:6

2. Aseptá e mandato di Dios.

Deuteronomio 6:6

3. Laga nos yunan bai serka Hesus.

Mateo 19:14

### MI RESOLUSHON:

Mi ta kere ku Beibel ta siña di edukashon kristian, i lo mi hasi loka ta na mi alkanse pa muchanan i hobennan wòrdu siñá pa medio di Señor.

Mi ta Aseptá

Kalifikashon:

Instruktor:



## Di kon edukashon ta un prinsipio biblíko?

Konseptonan ku a wòrdu studiá ta revelá na nos ku edukashon di nos yunan mester wòrdu konsiderá seriamente i un esfuerso definí asina ku nan por sigui e prinsipionan di Shelu i alkansá salbashon. "E obra di redenshon mester a restourá den hende e imagen di Su Kreadó, lagu'é bolbe na perfekshon manera el a wòrdu kreá, promové e desaroyo di kurpa, mente i alma, ku e fin pa e bolbe haña e proposito divino di su kreashon. Esaki ta e opheto di edukashon, e opheto grandi di bida" (Elena G. de White, La Educación, pág. 16)

Edukashon i redenshon ta bai huntu, nan ta hasi un esfuerso pa hiba hende na un relashon ku Dios ku ta kasi meskos ku e otro eksistensia, promé ku piká, meskos ku un relashon perfekto den e mundu binidero. Den su obra di edukashon, mundo ta perkurá solamente pa desaroyá e podernan natural. Nan ta laga afó restourashon, kual ta esun mas importante di e dos prosesonan. Ningún edukashon ku ta laga afó e obra di restourashon por wòrdu yamá kristian.

Ningún mucha ku ta studiá na un skol kaminda e restourashon spiritual ta wòrdu deskuidá, por bisa ku e ta wòrdu "siñá pa Jehová", pasobra Beibel ta bisa: "I tur bo yunan lo wòrdu siñá pa Jehová" (Isaias 54:13).

## SKOL BASIKO

"Asina anto, no ta boluntat di boso Tata ku ta na shelu, ku un di e chikitunan aki bai pèrdi" (Mateo 18:14)

Muchanan ta herensia di Señor, i nan mester wòrdu eduká pa su servisio. Esaki ta e obra ku ta wòrdu duná na e mayornan ku forsa solemne i sagrado, i ku no por wòrdu lagá afo ni ignorá. Esnan ku deskuidá e obra aki ta wòrdu konsiderá komo siervonan infiel; pero tin un rekompensa ora e simia di berdat wòrdu sembrá for di tempran den e kurason i e wòrdu atendé kuidadosamente" (Elena G. de White, Consejos para los maestros, pág. 110)

## KOLEGIONAN DI NIVEL MEDIO I SUPERIOR

E propósito divino relativo na edukashon no ta enserá solamente enseñansa primaria, sino riba tur nivel. I enseñansa na nivel medio i superior tin un ophetivo tripel:

1. Kontinuá ku e obra di restourashon i redenshon. 2. Sirbi komo statnan di refugio kontra maldat ku ta oumentando. 3. Prepará e hobennan pa e sirbishi den kousa di Señor. E dianan aki kaminda iglesia ta krese rapidamente, nos mester preservá e kos di mas presioso ku iglesia tin, kual ta su muchanan i hobennan, di e influensianan sin moral i di e inmoralidat ku ta prevalesé den mundo.

## GASTU OF INVERSHON

Ki un aktitut maravioso lo desaroyá den edukashon si nos tur- mayornan, welanan, miembronan di iglesia- por mira e sèn ku nos ta paga pa enseñansa di nos muchanan i hobennan, komo un invershon, i no un gastu! Salmo 127:3 ta bisa nos ku: "Mira e herensia di Señor kual ta Su yunan..." Ki berdat maravioso! Yunan ta un don di Dios i nos mester selebrá e bendishon aki. Iglesia Adventista a rekonosé for di prinsipio e balor di edukashon kristian pa su yunan. Enorme sakrifisyonan a wòrdu hasí ku e meta pa e hobennan di iglesia por haña un edukashon kristian. Mayornan a sakrifiká hasta kosnan esensial di bida, kon tal pa manda nan yunan na skolnan adventista. Iglesia tambe a invertí miones di dolar den e sistema edukativo.

## KIKO NOS LO HASI?

"Señor di shelu ta mirando pa sa ken ta hasi e obra ku E ke pa wòrdu hasí na fabor di e muchanan i hobennan.....Komo iglesia, komo individuo, si nos ke ta sin culpa den huisio, nos mester hasi esfuersonan mas generoso pa edukashon di nos hobennan" (Elena G. de White, Consejos para los maestros, pag. 35).





FE DI HESUS



# DIOS TA YAMA NOS

## INDISPENSABEL PA SALBASHON

1. Ki paso ta indispensabel pa salbashon? (S. Mateo 16: 16)

## INVITASHONNAN TIerno DI DIOS

2. Ki yamada Hesus a dirihí na Levi? (S. Lukas 5:27)

3. Kon Levi a respond'E? (S. Lukas 5:28)

4. Ki otro yamada tierno Hesus a hasi? (Rev. 3:29)

5. Ki desishon nos mester tuma awor? (Echonan 22:16)

## KIKO MITIN DI HASI?

1. No postergé bo desishon pa Señor (Echonan 24:25)  
2. Hunto ku bo famia disidí pa Dios (Hosue 24:15)  
3. Hasi e desishon awor mes (Hebreonan 3:15)  
4. Pidi pa wòrdu batisá (Echonan 8:36)  
5. Konfia plenamente den Hesus (Filipenspe 4:13)

## MI RESOLUSHON:

Mi ta kere ku Señor ta yamami  
pa mi uni ku su iglesia. Ku goso  
mi ta respondé na Su yamada.

\_\_\_\_\_

Mi ta Aseptá

Kalifikashon:

\_\_\_\_\_

Instruktor:

\_\_\_\_\_

21

LES

**MI PROMESA NA DIOS**  
**"TUR KOS MI POR DEN KRISTU KU TA FORTALESE MI"**  
**(FILIPENSENAN 4:13)**  
**PA E GRASIA DI DIOS MI TA PRIMINTI:**

1. Aseptá HESUS komo mi UNIKO SALBADOR (Echonan 4:12).
2. Bandoná pika. Risibiendo e pordon ku Dios ta ofresé pa repentimentu, konfeshon i konbershon (1 Huan 1:9).
3. Aseptá e Beibel komo úniko regla di fe. Studiele diariamente mediante e sabat skol (S. Huan 5:39),
4. Hasi orashon tres bes pa dia (Daniel 6: 10).
5. Observá fielmente, pa e gracia di Dios, Su santu mandamentunan (Santiago 2: 10).
6. Deskansá riba e Santu Sabat. No realisá ningun tarea indebí. Asistí na kulto (Eksodo 20:8-11).
7. Aseptá e Spiritu di Profesia (2 Kronika 20:20).
8. Biba sanamente. Apstené di karninan inkonveniente, bebidanan embriagante i tur bisio (1 Kor. 6:19,20).
9. Bisti ku modestia kristian (1 Tim. 2:9).
10. Kolaborá ku Dios den e plan di diesmo i ofrenda (Malakias 3: 6-9).
11. Usa mi talentonan pa sirbi Dios manera mishonero boluntario, ganando almanan pa Cristo (S. Lukas 8:38.39).
12. Aseptá di bon grado e orientashon di e iglesia i su pastornan (Echunan 13: 17).

**PA GRASIA DI DIOS MI TA DEKLARA:**

1. Konosé, aseptá i praktiká e dòktrina di Hesus.
2. Ku mi ta SOLISITA pa wòrdu BATISA pa inmershon. Mi ta pidi pa wòrdu aseptá komo MIEMBRO DI E IGLESIAADVENTISTA DI SHETE DIA.

NOMBER: \_\_\_\_\_

DIREKSHON: \_\_\_\_\_

FIRMA: \_\_\_\_\_

INSTRUKTOR: \_\_\_\_\_

LO BO WORDU BATISA NA \_\_\_\_\_

FECHA \_\_\_\_\_ ORA \_\_\_\_\_